

東維子文集


三

柳田文庫

文庫11

D 123

3





文庫 11  
D 123  
3

123

010190552956

4842218



東漢子文書卷之八

記

天地之氣，清者為天，濁者為地。

夫天地之氣，清者為天，濁者為地，此其理之自然也。

夫天地之氣，清者為天，濁者為地，此其理之自然也。

夫天地之氣，清者為天，濁者為地，此其理之自然也。

夫天地之氣，清者為天，濁者為地，此其理之自然也。

夫天地之氣，清者為天，濁者為地，此其理之自然也。

夫天地之氣，清者為天，濁者為地，此其理之自然也。

夫天地之氣，清者為天，濁者為地，此其理之自然也。





東維子文集卷之十二

會稽鐵屋楊維禎廉天著

記

新建都水庸田使司記

天地位而水為之脈絡運而天地之功成古者水病民神  
禹民治之功與天地等代之職水者雖小大不侔其得一  
日廢耶此周之匠人稷人漢之水衡水司空之官所由著  
而今之都水使者之司所由立也大德初司置平江曰行  
都水監奏定年改庸田遷松江以置不常人視為疣舍故  
棟其署寄署于它所至正元年重置司平江秩隆三品轄  
江東浙東西道官與風紀重臣文調御兼行工部事據屬





亦皆稅司樂更遴選郡縣守令咸受節制司之權崇勢重  
視昔有加八年都水使者左答納失里公來謂今 聖天  
子切 焉以東南租稅之出重在三吳而三吳水國也故  
署都水司平江而官吏寄署地所事體弗稱先是請於朝  
得給官錢四萬緡仍得撥地羣治西財賦府故基若干畝  
於是鳩工庀材經始於是年十月八日不三月告完中堂  
弘敞挾室靜密幕司曹舍鱗次翼張旁為繚垣前為崇閣  
氣勢炎兀規模備具吳父老咸扶藜仰瞻嘖 稱贊以為  
不自意垂白復見是司之新也既而郡工竣事長哉率僚  
屬位正新守相與舉酒落成幕元僚沙君來請于維桓願  
有以記維桓考中吳水患自宋季兵部鮮毀者邨童父子

經畫規畫亦詳矣其溧陽五堰江陰十四瀆宜具大吳等  
瀆松江曰塘曰浦者凡一百三十有二志籍尚可稽也然  
未若我 朝知力足以興除其利害而德足以消其震盪  
漂忽之變也大德間三江陸塞平章徹里氏漉



財賦之原而後之為國者不能去矣宋置權務立交引法  
貼射法又或弛禁以均賦茶戶然有法無人則官與民反  
病矣我朝立轉運司于江西而江浙置提舉司三官與  
民無交病之弊則司以法存法以人舉耳常湖之司併平  
江而為一蓋又御饑之所在體隆事大與他日異故號都  
司用四品印章增設監長一員幕司陞提控按贖曩昔時  
暑所痺陋至七年副提舉嘉禾張公寔發來始拓其地增  
拓廳事後椽若干樞都提舉東平趙公深又買民地闢門  
道達儀門二至正九年達魯花赤晉理翰笏禮公又重修



東樓即宋清風樓也樓乃具額之舊樓宇聳飛瞻仰改觀  
司之署始雄而麗興事達魯花赤體攝三大役之贊成者  
提控按牘呂君天祐也昔公嘗宴于清風樓上遂以記始  
末請夫奉辟王食臣子事工之敬推恩施食臣子及下之  
仁事上敢不慎厥職及下必承流于上方今 聖天子視  
民如傷神窮煦若未嘗忘于一飲一食之頃其肯屬民以  
自養乎居是職者有一豪之屬于一則累大德于上其得  
為奉法良吏乎予聞良長氣之為政察于下蒙協于僚議  
得肅子胥徒之役凡屬之吏効職而復期江之高山之丁  
皆願出陰而服勤于其土宿垢剗剗大課流通蓋事上之  
敬盡而及下之仁亦至矣宜并書為來勸善公字景淵那

海憲監之嗣也趙公字伯淵屢歷臺憲張公字彥榮亦由  
宣徽推擇而至云

杭州路重建北門迎恩館記

杭為宋行在所宋既內附以其地置行中書省行宣政院  
財賦都府肅政府轉運儒學醫金帛雜造諸司鱗比棋布  
歲時朝廷遣使者須詔昔宣錫命金幣斧鉞裘貂王尊與  
大名山川古宮剝祠廟御香寶器不絕于道使至之日  
有憲而下百司庶府之官無不奔走戒金革儀仗聲妓部  
曲導前擁後以為郊迎之禮蓋過以迎官寺則失諸慢曠  
以迎工舍一驛之外則過于勞故酌其地于郊闕之外以  
為迎送之次此北門之館所由立也館搆于至元元年承



忠之頌書于石水園魯公至正十二年秋七月紅巾寇杭  
燬館寇退越三月而監郡觀閭氏倡指已傳命仁和縣屬  
吏首起其廢為屋此若干楹堂室廳軒洎垣墉門宇更衣  
之亭治飪之所凡坐臥飲器用之什無不完整且更書其  
額為迎恩尊皇華之出也興工於是年十一月某日告成  
公道仁和丞某來請記余謂周官之法凶禮無刀政功也  
杭城不幸罹朱鬣氏兵燹之餘而刀政是舉非所謂時庶  
而舉贏者乎抑論之力政有緩急緩不得舉急不得廢迎  
恩之館為皇華使者之賓送奉王制而尊天使臣子之敬  
也朝覲貢賦送往而迎來又臣子之忠也執忠與敬臣道  
在茲而可以一日廢乎宜不得與時庶舉贏者律之也其

費緡錢若干不書其廢興始末以為記然公之為政知所  
先後其興樂于城郭殘破之餘者蓋不止是出風教者先  
聖大成之宮砥礪死節者忠臣血食之廟及倉庫關梁之  
要害圖已陸續而舉予又當附春秋義筆削焉以為民力  
重云至正十三年正月日記

浙西憲府經歷司題名記

浙西肅政司經歷也憐帖木公語予于帥正堂曰凡官寺  
著所必有題名非徒志歲月著爵里編其名位于此將有  
辨名實于彼者可不畏哉吾幕府舊有石登載殆已編今  
石承其後請予記以文予讀柳子忠丞登記曰由號觀實  
便後之居于斯者有以敬于事公之言蓋知所敬者已予



嘗論朝廷選官莫難于法則之司而尤莫難于賓佐之察也賓佐者得人其時義也大立節也貞執法也確議事也詳允一司之法則其有一私而撓者乎故憲幕府得一良經歷一道之政無不理三尺之法无不信職于茲者可不敬哉然則題名之誤也豈為金石美觀而已哉後之覽者常有知公之敬者敬其事如柳子之所言者也公字文卿河西人起身臺譯史性志朗峻直有文武才畧以從大夫某公平冠有功升是選云至正癸巳九月丙寅記

海漕府經歷司記

至正八年十二月甲子重建海漕府成初府理所就吳人漕萬戶朱張氏之故居也歷六十餘年弊不可支矣今始

撤而新焉且據其比而大之經歷司署所在據內而常熟江陰千戶所前三年而初者在府東偏遂轉為經歷司仍治署所于城之東北隅常熟江陰土木功竟府長貳將其幕賓寮各正位卜亭相與舉酒落其成而經歷孫公來謁予曰始憂府署役大弗即成今幸官不知損民不知勞訖有成功以及於幕署也中偏表裏同一華燠願子有以記之予謂春秋一門一闕之作必書謹王制重民力也今海漕之署制得為民力有遺焉幕署之弊陋併得轉其便而為之可不書乎議者有疑漕幕署無風紀所關刑名所寄軍旅賦徭嬉惰之屬金出納者一歲兩漕耳簿書期會一利刃筆掌之有餘也何足稽清選之才六品之秩哉曰非



也魚龍之國去天子里遠武夫帆檣與文肌被髮之族鄰  
險易之相伏也利害之相乘也一幾弗登一微弗防漕政  
之成敗國家之治忽係焉句稽情為之辨不辨期會征役  
之嘗不當示論也居幕司而贊畫諾者其可無其人乎此  
吏部選其幕賓僚不減選於其府長貳也幕之長於經歷  
次曰知事照磨不夾輔幕元寮者也三人者各職其所當  
為以相其府長貳之所不逮其得以一日自是優閑之署  
而不知有累賢勞者乎且異時公卿收守之選由茲而起  
則知居是司者其人皆沛然有以周天下之用也尚矣併  
書為記使繼孫公而來者不徒思其署舍之勞而已也孫  
公名震字仲遠金陵人起青室書史憲延師闢土行垣屬

塚多獻可督否今輔漕口履總勤政府署之成贊謀之力  
尤多獻知事鄧繪字元素金臺人照磨銜權字衡甫洛陽  
人尚質叶恭益有雅譽云

海鹽州重修學宮記

至正六年夏六月松陽葉侯孫守令重選為海鹽州下車  
之三日率僚吏及校官弟子詣學行群真禮顧瞻學宮  
循託圯壞感焉曰司千里之政化者長吏也為政化之所  
出者學校也今圯壞迺爾何以長吏政本哉於是興校官  
吏議其所需葺理者捐俸金為之先發學廩見儲復征其  
宿道計得中統鈔若干緡遂鳩工庀材計日竣事侯躬冒  
祥暑視其役不少憚夫成殿素淡偏一過祭奠則樂無所



署更和樂軒燕居閣育聖象其上勢壓且不支於役最艱  
費最大名修而實則作也東西廡為從祀先賢之舍象設  
采色剝蝕者復章四齋室宿弟子負涼燠失宜者令且明  
敵潔潔以至庖備庫庖并區無不完飾經始於是年之七  
月四閱月而訖工明年春州之士李桂小克剛等以其事  
來請予維頑願有以述歲月併諸著侯績余聞海斥國之  
邦卑益民去文訛弁服之夷不遠不易以禮善化也久矣  
侯不鄙薄其民不狎以枉役惠文而以禮義之具用心仁  
矣 皇元之興將百年子孫長治外夷嚮化者大抵學校  
維持之力耳予悼近之長成者方以操切為術急切功赴  
利為能視學官為儒者過務正化之所自出茫乎弗諱故

嘗論守令不識政俸壹以操切為術功利為能者雖立學  
官與秦史燔書籍滅學校者同科耳嗚呼若而人者不負  
學校 明制守令重選哉侯不鄙海邦首務立綱陳紀為  
治法而不敢一日廢庠序之教可謂識治道循更可以副  
學校明制守令重選以非海邦之民之大幸哉仰侯之為  
政以崇學為先而承上以直臨下以簡化通民和而爭訟  
日應刑罰日省傳曰教者民之寒暑也不可不時事者民  
之風雨也不可不節若侯之政又可謂節事而時其教者  
也是宜書侯名彥中字大中嘗以才敏有風操為江南行  
御之臺梁閣管勾所至皆有休績可紀助成者同僚達魯  
花赤也先不花同知劉塔失徐歲判官牛世安栗興祖教



授黃棟也程工洽使者州史沈嗣昌徐士敬學吏徐志仁  
學直郭子傑也

長興州重修學宮記

余客遊吳興涉長城界見新田辟統誦聲相聞入其境夜  
漁不取鯨望葦間無嘯歎入郭學堂氏之職謹孔聖之廟  
斥而新焉問為政則州長魯惠遠侯之化閱六年而成矣  
未幾州庶老介吾學徒劉吳來謁學記曰長興吳夫蔡王  
之城池也昔為縣令陞州學本邑人宗少傅劉公涉所建  
全虜燹餘自縣東徙今太平橋東縣令趙汝謙建義門否  
壇蘇桂堂張公明增建藏書閣而各之且規始具我朝  
至治開州長微都魯丁重修禮殿而堂閣門于廢而不立

有矣至正五年長魯惠遠侯至湖望必臨學宮教修凡  
警風紀者嬰淳師老德譜行之州之士以文學備采擇  
屋者往：與焉然學之營繕事重民力未果十年夏六月  
侯始勸諸好義捐俸金為之倡知州韓公惟德因而和之  
者州史俞文淵儒之趨事者劉坦吳鼎趙良珪也殿  
增隆翼屋二中堂從廡及兩廈四齋櫺星大成  
之門庖然新堂陰復創亭曰光霽閱三月  
者成廢興始末當有未得能名文者而葺過吾子焉願  
有以書之余歎三代之衰庠序之教皆苟道也久矣漢為  
近古其教無聞蜀得文翁立學始變鄙魯之俗東都興北  
州之學者僅緝常山必恭耳況其下乎三代而下學



校之興廢固基乎循吏之得失也我朝州縣所在有學  
雖教有官作教之勅則守令非人而欲學校之教行  
七矣學校之教居而望風俗之變難矣朝廷以教化責  
令令以教為治寬假歲年其勅始著焉乎吾是以知循  
吏之勅之急于得人也吾於庠序之化天必久于其道而  
後成也文而下不又有繼乎朝家設學之意不為勿負  
乎民之望于大夫士者不在是乎是可書已侯字得之世  
家北庭平章保公之適子也嘗遊成均兩膺鄉薦所至  
風采政事皆可稱道者云

長洲縣重修學宮記

有元天下自京師達郡縣咸建學宮急教以為王化基  
也今天子文致太平尤以教養人材為大務往以行藝  
興而學官益重以長洲由吳縣析也始以驛舍為孔子廟  
大德六年縣從移驛材構治所而學始廢矣至元再元之  
年縣長元童以禮勸郡人陸得原新之閱未二十年而殿  
堂齋廡僅支風雨藩牖破盪往來成蹊而况殿墀未墁泮  
池未俗從祀未有像龕校官未有次舍講室未有文序第  
子員未有凡憑師生交病非所以嚴學校之規也至正八  
年某月某日教諭王季倫始至顧瞻嘆曰此非創始之罪  
校宮因陋之罪也且厲其歲垣皆乾沒於奸宄之徒非一  
日積矣迺白于監縣奄都刺使陳于郡守蕭公黜其奸  
之尤者而租入稍還其舊由是制其出入取廢補之贏起



廢補缺而長洲之學始於他邑校同稱完美而克以財力  
相其成者則陸氏婚徐君某為首而郡人黃公某次之至  
正九年某月日起作明年四月某日告成而季倫年勞亦  
書滿矣扁舟道淞上尋余三泖澤中請書其事予聞孟子  
論教必先於足食之不足教無所於施長洲地下而水悍  
歲賦五十萬碩民避其役不啻如猛虎而暇治禮義哉司  
殷於其縣者慙乎其難矣而况學之人又從而適為學政  
不舉固也予爰在姑胥熟知季倫氏有文有學又有治事  
才天不廢斯文於長洲而季倫氏以史館修宣勞來為其  
縣師予親見其施設有方田之據於浮屠者復之歎於何  
者履其畝而政之然後汰其不學無行濫於藉者三十餘

人而禮其知名之士以率上下焉宜其養俗而教有成效  
也查刺候崇師重道蓋不下元童氏而蕭公於士實有擇  
敬而季倫獲其故且信為獨至一時巨家豪右又樂勸相  
之於是亦可以知季倫氏之為師儒者吳邑之士來游求  
歌者尚率聖人之教以副師儒如之望并無息其前功又  
將葺子從者無窮也季倫字季倫番陽人故宋職方郎仁  
允之子孫云至正十年五月十六日記

紹興新城記

至正十二年秋九月越人築新城明年春三月告成郡高  
年余文昌等謁余錢唐次舍以記請且道其事始末曰城  
本宋南渡蘄之王韓世忠之所築闕而廣之周垣凡四十



五耶入我朝七八十年劇至地廢淮夷梗化擬禍于大江  
之南狼籍州郡如無人之境守封疆者始思城郭之所恃  
而我紹興距蕪唐即百里近錢既陷越人皇、馬、李、勿、扶  
老走山浮海以遁不知長林大藪賊之鳥合烏鈔者尤  
甚則又奔播來歸戶以數計者萬又五千時則浙東肅政  
府分錢子越而僉事寫滿昭穆公勞徕吾民者實有以為  
之倚也既而集父老喻之曰城池大役也豈易勞吾民然  
勞子始而利厥終錢唐大方面賊直抵行垣者以城池之  
廢也始蘇界常湖賊越門而去者以城池新固也汝民所  
自聞宰相與憲苟且思經久之國民始難之公又為條告  
其實力先報倭金率郡縣吏及郡之民饒於則者不足則

以田為之賦糧二十石上出若干繕錢築若干丈尺四十  
石上數倍之三名五石助督辦各有差無田者傭工而就  
食民乃悅來如子聽父事董功命司不期月落其成城為  
趾厚凡四尋為身盡尋有四尺面凡七尺外鑿銅石而又  
壘辟四尺為瑰現成有木燕衛有枝聯簡石渠荅之具無  
不整備城為趾門凡五水門者六四門又各為甕城唯趾  
為重門以代甕城門皆梁石為洞上各置望樓又倚北之  
巖山為代虎之亭城既新門亦稍更舊名東五瑞水曰朝  
京東南積山今會稽水曰東門西常西喜今日常禧水曰  
澄清西北西郭今曰承恩水曰拱辰北曰昌安今曰泰安  
水曰永定南水曰植利今曰興利役大事重非名文家無



以書吾子郡人也幸有以屬比其事于石不唯識廢興處  
月且俾越之人萬子孫知有金湯不拔之固與民社相承  
永也余惟春秋城內與外者凡二十有九聖人一書之  
謹王利重力也而城虎牢之書責鄭有而不守覆棄為寇  
資則知城築興於要害者固亦春秋之所許也而况於越  
襟夫海肘長江中禹氏之州印白踐氏之伯基有固者之  
雄藩也其得與荒城野郭夷而跡之乎吁一方之役小四  
海之繫大一時之勞暨萬世之利求也雖然城之掌固也  
者不易成之守固者尤人易守非直三巡三鼓蚤之戒也  
忠義為之維道德為之基眾心為之憑守固  
之工也職於是者尚思有以勵已德結人心據臥薪之忠

憤以無忘昔人執仗之義以雪吾 大國之恥其可也不  
然予政不修舟人皆敵國也雖有金湯吾為此懼是為訂  
公系出國族通文文嘗為南臺監察折獄辨訟扶樹名理  
嚴、有丰采云

重修西湖書院記

厲人臣之風化者曰志曰清其推風化於網常之地者又  
實繫乎六經之道聖賢以之而立教時王以之而致治嘻  
斯亦尚矣杭之西湖書院故宋鄧王之第也宋季更國子  
監入我朝建書院祠三賢三賢者處士林公邇郡守白公  
居易蘇公軾也岳以精忠死國其大節無異議者處士以  
潔身獨善合乎道之清蘇白皆忠忠鯁有遺愛實裨於風



化而無忝於六經之道以祠之不可廢者至正十有六年  
春浙省丞相金紫達公浙西監憲丑公各捐俸金新之比  
明年大閱募兵益眾聚廬蓋隘軍樓於寺觀演於庠序院  
之新者隨毀平章光祿張公諡其故長院者白之明日令  
下驅郭位徒營奠院之缺者補之弊者易之弱不支者壯  
之賢三諸像彰施粉繪六經版籍重加修補曰聖黑黜煥  
焉睇焉視舊觀焉有加於乎庠序風化之所出况是院也  
孤臣之精忠三賢之清節關於風化者又細故公揚神  
會而於我焉之隙振斯文於既往起清風於後來使岳林  
蘇白四君子之澤與六經之道同於不朽其功於名教豈  
曰淺哉功既考山長應子尚欲功名公命徵余文於雲淞

之上勒石以紀歲月且使後之人知光祿公之休武而情  
又者類此故予不辭為之書至正二十年四月八日記

華亭胥浦義冢記

莫不得理曰棄不得其屍曰指衣以周身棺以周衣襟以  
周棺土以周槨禮也自夷鬼陀林之教行始有畔中國之  
禮而思棄其親者人心之陷溺也久矣吁可憫哉淞之民  
類不以禮葬其親者人謂無上陵之地則有何之水火亦  
勢使之然也仲尼觀延陵季子葬其子其坎深不至於泉  
淞之莫也獨無坯土可窾乎此華亭夏居尚忠義冢之所  
以作也得不食之地于胥浦之東周垣一里所為之封域  
名義冢使藏無地者歸焉什伍曹其子孫氏各樹識表而



有吳可展享之托又規也地一隅為精舍俾浮屠者主之  
以掌其籍為其有貧不克葬者又出資力以助之於乎君  
之用心亦仁矣文王更葬朽骨而天下思之宋世良賀蘭  
祥輩收瘞暴骸而境早得雨夏君之仁其不有感於天人  
乎吾聞君之先人清潤處士嘗憫人積喪不足土者捐金  
粟至千斛緡帛計義冢之舉其又不為善繼先志者乎余  
因樂書其事而况君重有請也於是乎書君郡之義門教  
武公孫字文承直郎鎮江路府判官素而歸隱益讀書習  
禮文事又勅立夏黃書院以祔享其外祖橋隱公其好古  
崇禮類此

睦州李侯祠堂記

侯諱士龍字士龍姓李氏世客汴之亳州祖某錄世將轉  
郡守侯生而有聲力身不滿七尺精厲紫悍其膊腕強破  
硬上可用甲指插行蟲自幼意角觝戲長投石投距絕等  
倫後誦孫武子書志萬人敵測師即某聞其人聘致帳前  
試其孤矢伎走馬遠操二百步馬上及臂連五發連五中  
眾大操以為特奇試屏劍光指牛領限尺寸位數一擊頭  
斷不差分釐又工老君指法雙股連環百斤銳刀上下舞  
如本月鋒氣薄人毛髮豎立歛寇金鈴氏恃驍武無敵侯  
禽之復繼以利械又禽之以功自千夫長陞徽州判官  
同知睦州兼民兵摠制在職撫農閱兵民仰之如父倚之  
如堅城時測帥升樞聞于睦養士至數萬梟將凡十有



八部獨稱侯為巨擘由兵過城樞命侯出關迎送西兵毫  
卒無動金倉氏入寇相謀樞集諸將議侯建上中下策樞  
不用上用其下衆清將皆擁主適侯獨乘奔雷馬挾步卒  
數十人乘而夜突戰敵不備被傷甚衆又乘銳取其敵將  
首懸馬項底出萬人中萬人皆辟易莫與抗渴奔金沙泉  
取所佩藥視從者云吾報主盡矣勿令敵所吾願遂飲藥  
倚馬而視逝時至正丁酉十月四日也年二十有五閏若  
干日示夢陸老人曰吾死已作神矣尚能扞臂戮惡以利  
吾睦人明年春睦人為立祠錦沙墓所請余文為志昔魯  
御黜賁父死賁職魯君誄而表之侯死職其職烈未工聞  
司文事者盡有志故吾為志諸祠且係之誄曰於李侯生

力士号於李侯死厲鬼号辟吾惡号離吾社号誄吾以文  
立志軌号離去聲

### 二陸祠堂記

唐人詩稱陸放興為華亭人君子論三代以下王佐人物  
仲舒孔明後即及放興足以重地靈於是邑矣

兵未之建白余謁泚學舍釋奠禮以祀者乃有二雋焉問  
之庶老則曰陸士衡士龍也二陸自昭侯遜來世為華亭  
谷之傍有山曰崑陸氏之先葬焉機雲之生時人以玉  
出崑岡比之因名山山之北又有機雲兩山亦以兄弟得  
名邑士曹君繼善於山之陰擬屋若干楹祠二陸像其中  
名二陸祠堂且曰崑之陰其故宅其懷鄉詩有婉孌崑山



陰聲如鍾少有異才文章冠世六歲能屬文與機齊名  
中州之人號曰已雋未節成都王嘗遇害嗚呼文章至東  
京之秀故矣建安諸子傑然自立而士衡兄弟乃得以名  
文蓋世中州之人見之如景星慶雲誠可謂一時之雋矣  
獨惜其急於功名至求遠昌歆豈非文章擅名者得名者  
夫間氣之所鍾而去就非是者皆未知聖賢之學歟至今  
士之入吳者咸仰二高之遺風而未嘗不悼華亭夜鶴不  
清淚之悲也堂以祠之蓋邑人不忘其鄉故而祭之以杜  
之義以為人物之準君子之論缺如也然崑秀傑之氣代  
未嘗絕華亭秀傑之士亦代未嘗无即余之論以其未得  
夫間氣之鍾者蓋自勉以其未得夫聖賢之學者蓋自做  
豈非曹氏建堂之意乎名世者作果符吾言吾於士大夫  
敬與之祀之嘆殆亦免矣夫

魚浦新橋記

至正十三年秋八月蕭山縣魚浦新橋成浦耆老許  
來謁予錢唐曰浦之西北距浙江東南明越抵台婺商旅  
提攜樵蘇負荷者以乎道焉晨出莫返奔波擊舟不無蹴  
蹴踣覆溺之患縣主簿趙君某領帥檄來鎮于茲兵革既  
飭大憫民望爰具耆老而告曰是浦為民涉之病蓋易舟  
而梁乎浦民咸響應無忤詞橋不三月而底于成長凡五  
百尺洞十有五洞楹十有六隄其兩旁棧板欄翼巨其長  
吁昔無而今有枹實功之難也橋出沒于潮汐之險又難



先是紅寇臨杭君方蒞政浦之西南依山徼羣患少乘隙  
虐民一相挺解散盡君按捕之一境賴以安今橋成又免  
民於險阻即向者弭盜安民之心復推其初於是橋也愿  
子誌以文且為趙君頌余曰出事於昔人之所難而得於  
今日之所易非誦之不可以橋於昔也患而知為政者勤  
也若趙君之不可難於是橋謂惠而知為政者非黷鄭子  
產春秋患人也至捐一車則人皆以為笑彼溱洧之可涉  
民猶病之况是浦之難吳膏十倍長史以民者可以不知  
為政乎西門豹鑿十二渠各有橋至漢長史以橋絕馳  
道相比不便欲合三梁為一橋鄭父老唯弗從以為西門  
君法式不可更長更終聽之惠政之及人者至今照耀更

毋程子曰一命之士苟存心於利物於人必有所濟趙君  
之存心得之矣浦民歌誦當不減鄭與人之頌君之法式  
當與鄭父老同一確守非百世之利也哉浦父老復以橋  
名謂於是顏真橋為惠政吁君之惠政不惟是也君名誠  
字君實世家于浦云銘曰

江水湯湯界浦之疆涉浦作渡民病于杭趙君為政惠  
而有方誰謂浦廣不可以梁惟彼梁也西門之光也德  
之長也民之不能忘也



維子文集卷之十二

[Faint bleed-through text from the reverse side of the page]

東維子文集卷之十三

會稽鐵屋楊維



記

平江路常熟州知州王公善政記

聖天子居臨天下垂二十載周知物情以守令去民為最  
近而不可以弗之重也乃下 明詔嚴守令之選以作興  
治道職是者宜其謹忻鼓舞滌濯奮揚以副 上德意夫  
何廉恥日衰奸偽日滋不幸一日有變民環視而起不受  
條令至殺長吏以應寇而莫之能禁 朝廷又大發兵而  
旱有不勝弱者遂至兵重不彌解贖歲月而民愈以病告  
弱者填為溝壑壯者從而汗染綿亘數千里地田萊為蕪



邑里為墟雖有高才明之智士縮手銜舌無救弊之術跡其所從來皆守令不振職之過也吁民墳之積也久矣存子百於一二而特異於庸衆人職銓曹者無以旌別而司文墨者又無以表彰之嘻何以為世道勸邪知常熟州豫章王公其在任五載政平訟理民大和悅既而請老以歸則民懷其德為其立石誌云

吏部侍郎貢公平羅記

皇正十三年春三月中書吏部侍郎貢公奉詔使江浙民陷賊者曲宥之刑殘之家免以土賦朝廷又慮餽餉不繼賑貸不給發內帑錢三十餘萬定俾公于糴地興民和糴公抵吳興諭民有儲粟者聽自陳糴凡六萬有奇于

時直並其十之二先付直後納所直粟且下令曰朝廷以和為糴官不得齊刑吏不得抱案差若等以三吾與若一以和為義官府始笑之曰民病久矣悍卒扣門叫罵猶不即奉命合若此事真可集耶今日民為爾給儲多矣今誠行之彼亦以誠應我既而民果聽令相與議曰這時物輸官而直不給雖給且垂紫而歸今公先與直豪髮不以干有司吾何幸也復與平斗斛便輸粟者日繁司度不得高下其手縣吏與豪民有假是以誣糴者公微得之皆置諸法父老以手加額曰公之為政吾前未之聞也迺相與謂其求書其事于后以為平糴后法余惟管仲有輕重之權李悝有地方之教而平糴之法出為大要東多並糴



稱物乎施使民適足而已歷代祖之漢曰均輸曰常平唐  
始買和糴使宋有博糴使糴之科皆為美制而任之不得  
其人則亦無異強取也今公以內帑錢若干不經有司  
之散欵親與民市告以信令民之聽之若子聽父不三日  
飛輶輓船塞津溢米積于地粟不暇給未越月廩入于永  
寧泰定民不知擾而粟已盈數蓋得和糴之本法而足宜  
工德意也豈非朝廷任得其人之效歟不然彫城瘵郭  
富家豪室轉在什野歎死且不曉何所取財而云和糴哉  
此其事為可書也已漢馭壽昌以平糴便益賜特爵關內  
侯公入親吾見公之得賜爵也維然賜爵一已利耳吾聞  
公有篋中書凡一編二十日皆相於議大政決大利害而

天下資以為治者條陳于上實吏部獻內職也噫此其利  
吾人者可一二計哉又南父老之至望也公名師秦字泰  
父宣城人起身曾監嘗為名御史云時江湖行省檢校李  
思義以省委事相糴事而郡監亦思恰不與有勞焉故併  
書之

樊公廟食記

至正十有二年秋寇自徽犯江浙政府奏知政事樊公宿  
衛于省、吏皆以第引去獨公被甲上馬率宿衛兵不滿  
伯什急出省攻賊從者心之公曰吾封疆之守不守而去  
是以私利廢臣道行至省坊口遇它遁將以兵孤且散控  
其馬守迤公怒行引佩刀斫其人曰城不守何適遂躍馬



逆寇于天水橋巷戰以死公在江浙政府凡二年贊其首  
相與去弊不為荷既更中格力以進賢退不肖為已任職  
雖忝實與提衡伯夷稱仁以將軍莫有陽天下傷之全不得  
故云將英事樊公稱仁以將軍將莫天水東南人傷之吁  
又豈知其自決於義而之自畏愛有甚於生死者乎義既決  
雖碎首塗地无悔焉死不安於自決而出於有激出於無  
獲已皆死非義而義利之相去其間不能以寸凡遭禍亂  
有首戴義利以奸法策者不死司寇幸而死疑似吁何可  
以亡辨哉故伯夷死天下為之義樊公死天下為之忠與  
義不可以聲音笑貌掩而得之必決於忠安於素有而天  
下至尤之物不能易得也自昔死嗚曰龍門死狗劍楚死

銜續漢溫死嚼齒張死嘔血陳死鄧州黃從潭州李類皆

若是吁若是始可與言封疆之臣社稷之鎮矣議者謂全  
節未必成功也吁節無增損功有成敗無增損者內有成  
敗者春秋錄死節亦計其內而外有不計焉峻切與節以  
律天下之思非春秋義亦公之死其僕曰田丁者亦殉生  
死人比春秋蒯賈之僕玄去公之死兩期月姚園寺觀僧  
雪素杭之人為公立祠於天水院肖公之像歲時祀之樹  
名于門徵余文以書於是論次其死烈如此公名執政字  
時中獨統其自號也世為鄆人具世出任居  
見別傳云

聽雪舟記

陵陽劉尚賢氏適逢今 天子龍興由保直為浙垣胡公



相府大賓僚自合其退公之室曰聽雪舟介吾徒金信氏  
致其詞云某於十年前察先生之風於富春山中願一接  
見無由今幸軍旅事息鉦鼓之聽移於虛舟風雪矣幸先  
生肩一言為記余異之曰軒以舟名舟以雪聽此江湖漂  
泊之竟也夜深郭索聲瑟瑟兩冰寂痺不得熟寐非烟水  
之窮旅則草護之寒漁耳尚負身服韃囊者十餘年值  
天子偃武尚文將陟清階侍鈞天所以聽九奏之樂矣其  
於雪也矣暇為窮旅寒漁之聽哉抑有說聽雪以聲固不  
若聽雪以理者之為聽之深也今天雪出玄而尚白似花  
藏於密而散放六合似將道集而先霰馬似幾陰涸而合  
晚而消似時匿瑕藏疾似量無論高下夷險一槓物而統

似至治若是者雪之其德廣不尚賢於其其德反諸已而  
有之則聲不在雪其取數於聽者不既乎多矣乎不則雪  
舟之聽窮旅寒漁耳信以是說復命越十日尚賢馳書來  
謝曰某不敏始識聽雪以聲不愈以聽雪以吾子之聽為  
至也請錄諸軒為記

### 大樹軒記

為江馮侯仲榮氏有先人之宅一區在霸王廟東自其大  
父某手植三槐今皆合抱為百年舊物侯益封培之扁其  
軒為大事樹侯來華亭治暇過余次舍談及故家橋木曰  
吾家節侯公軍次大樹軍中號大樹將軍吾固不知其樹  
為何木、居何地今予家樹出於吾祖手植吾故之亦呼



大樹故徵先生一言以為誌侯少時以戎行侍主上其說  
主以治殘理寃以成湯武之業與節侯意不殊其侍主晨  
夜草舍<sup>上</sup>或至則疲與節侯之短粥麥飯亦不殊為人  
議退不悅亦似之節侯在關中得軍民譽乃召言者咸陽  
王之譖賴帝曠度釋其所疑侯亦以律外復檮骨相執梟  
者初主上簡知有素柱隨雪而生益大亦眉之平定安集  
弘農犀盜昏化為良鄧禹之不能者節侯能之上海之變  
賜以遷葬亭名在死籍人不敢任者侯穴百口任之轉  
死而生者殆萬齒此又節侯之所不能為也取前胃之號  
以字今日之軒孰云不可侯今去州縣勞陟中書煥府位  
益高施益大蒼益彰又烏知不板於不次便乘釣輜以贊

聖主太平之治大樹之澤其必有振爾祖而大樹之號  
其不有先於節侯乎侯謝曰某也願力先生之言以赴先  
生之所期也書諸為記

知止堂記

世之高士嘗比官境為魚之逆鱗苟也苟一入雖有其龍  
之體欲翔鱗迴鬣以掉尾江湖之明鳥乎難矣故淪得而  
沒者活是也恬而避者自陶鴟夷張赤松疎大夫陶處  
士而下曾幾人赴老子之經有警人者曰知止不殆其言  
也可與悟者道而難與淪者告也雲間老人夏謙齋氏  
為某監漕官年未致事也即勇退歸里名其燕處齋之室  
曰知止是有味乎哉老氏之言哉老人去世已五十年矣



既來堂日燬去其四葉孫頤負猶能刀讓趙文敏所言之  
顏登於北山新堂不忘本也先負刀學有任才丁時艱而  
不仕知進退出處也使其仕也官之玩人者能玩其六尺  
之軀哉今年秋員誥予於堂以落其顏之新登者且請記  
於是乎書

### 知止堂記

愚者不知止智者不知止達者知之知而不止與不達等  
陶朱汎五湖留侯從赤松知止也使不知止則車屍夷族  
為伍韓二子而已耳此謝公伯禮名堂之義非愚者之  
所能識也謝為淞望族至伯禮始至仕晉顯官郡部至奉  
訓大天年未五十即掛冠歸隱謂其子若孫曰若知夫為

與舟乎舟之隨運也滿風逆航捷若流天千里可一息達也  
貪捷不止則瞿塘灩澦在檣櫓奔突之間焉之馳也星流  
電掣快意所可朝燕而暮越也貪逸不休則太行并陘  
在衝勒之下吾年未及致事而志已勤矣祖父之甚止其  
水足以耕釣師友賓客足以觴豆譔樂而一二家老足以  
主耕王賦苟不止漂颺之患將在我矣遂以知止命退處  
之室東藩大臣屢挽而不起至以疾謝免參政周公琦既  
為書其室而復求予記予為之喟然曰伯禮之賢於人也  
遠矣金之仕者惟患進不銳升不高孰肯先幾於赤松五  
湖之侶稱達人於時乎於乎上蔡之犬華亭之鶴貽悔其  
身及其子孫者幾何人視謝氏之堂其亦少警乎書其說



為記

守約齋記

淞江氏自其曾大父敦武公由棗陽徙淮安王南度至其  
考君澤三世皆以武符襲將門世澤至文裕始以學文換  
門廕教諭當塗毗陵兩邑升蘭溪縣州正所在有教績自  
名其書齋曰守約夫世俗之約與聖門之約異股破褐衣  
飯脫粟飯儉薄其身而一毫不以利於人非守約也伴讓  
陰競研極研極利害守鼠兩枋雖文義弗勇於應非守約  
也孟子嘗曰守約矣孟施舍之為不如曾子之約者以舍  
徒力於氣而曾子循諸理而持其要者也守約若曾子可  
矣孟子之心學蓋出於此其功用極於浩然之氣塞乎天  
地之間吁守至約而功至大此聖門能事也雖然曾子之  
約必自博始不博以文不約以禮不鳥知曾子之守者哉  
文裕心學進於是始知守之守者不足多其於三葉將祖  
不大有先乎文裕以吾言勉之而已

一笑軒記

廬陵張里氏居南垣都司而命其寓軒為一笑求余言為  
立聖門言樂然後笑人不厭其笑余為知張子之樂何知  
而必為張子惟笑為何笑乎張子無樂而笑為偽矣誰敢  
當曾子之笑乎莊子以開口一笑月中不過四五日此概  
常情而言魏宗室某一生人笑未已極笑幾比何清一笑  
之難有如此者晉陵實有笑疾梁王筠見人必笑一笑之



易有如此者張子一笑不以樂必居一於此乎不然張子  
一笑吾不得而推也雖然陳希夷一笑而天下自此定李  
義父一笑而天下自此救笑哉笑哉可畏也哉吾將質諸  
張子一笑毋輕

三友堂記

河間公子李志學氏蚤年讀書力華之山嘗結草堂於山  
之陽今仕虎林開元戎府客堂一所為歲修之地一日將  
客渡錢湖入茅步登鷺嶺憩晚亭見有三人者草衣木形  
木客各以絃相提唱一客曰五鬣老仙赤松依商青牛歸  
來已千歲仙客元是風雨師不識人間秦漢帝一客曰渭  
水龍孫孤竹種海北波影拂珊瑚動一竿持寄蟠上公釣

得雙璜六鰲重一客曰玉龍聲嘶五更了綠衣倒掛扶桑  
曉梅花仙相見大樹間梨花夢落春雲小三人者見公子  
各以辭就評公子異之曰赤松氏者蓋微元世變而不知  
有秦竹者也孤竹氏者治將矣任則蒼姬氏之治也梅仙  
者之夢覺人間世而將脫履於蠻烟蠻雨之國也赤松似  
吾初節孤竹似吾志梅仙文似吾不境也三客者行客異  
其歸一也吾將尚四有之延位於客堂遂命其堂曰三友  
而顏之其客欽心道人志之道人者將進三益於公子期  
與為歲寒交也因錄三友辭而為之誌

雪坡記

淮陽謝公既得余雪坡文曰先生為余立言殆吾座右箴



矣然余視今之取富貴者真幻耳亦有味哉請我終具說  
余曰投雪於爐以開鑿者幻也至人者一體諸盈虛消息  
於雪也日擊衛存而訖亦允所容必於其開吁雪之資於  
衛者如是幻云幻云何哉何哉余聞淮海之傑五人焉公  
存中公自幼喜讀書一遍即了大義年踰三十不屑為章  
句儒而慨然有澄清天下之志抗為南大都會加以師旅  
國以亂雖有大才智不能善其後公守將於斯談笑而  
理之三軍無驕容百姓無菜色蓋必有度越今之大才智  
者人不得而識也吁觀其寓雪坡者則得已世之豪傑負  
摧喪亂私其托於鑛京於金塢於板兔穴自謂保固厥身  
至若子孫無止不知人境一易如大幻物適借之以連覽  
吁可哀也哉惟高識之士得於盈虛消息之外於不可控  
搏者是托若雪坡者是也已其友俞字際錄者文去曰知  
道於雪坡如先生者是為真知蘇雪堂之幻入於道矣雪  
坡能味幻其何遠於蘇也哉

凝香閣記

先樵大夫平章政事張公分治江湖之三年築城堡脩倉  
庾廣亭臺闢田疇休兵息民於是詳延海內方聞之士談  
仁義講禮樂收東南遺書於賓賢之館而名燕之處士  
曰凝香微記於客鄉會稽場維楨維楨喜公之厭兵樂治  
也遂為之言曰善乎章應物之詩曰兵衛森畫戟燕處凝  
清香吾取其詩有文武道森戟之兵不忘武也凝香之燕



不厭文也文武備而天下之事無不理矣余士有深山長  
谷而出者成曰吾聞先祿公善尊賢也善養士也善求善  
內諫也無不忻然相告曰南垣有賢相臣如此民其瘳  
矣乎先祿公下士如同公取友如仲山甫士友之在其席  
者有惟慳之壽也有樽俎折衝之道也廣廈細旃之廟諶  
也非是無以入其室者於是橫經綸道之項投壺雅歌之  
餘清香之凝如大易之論鼎可以凝乎命也凝之旨也遠  
矣哉先祿公上以佐天子之太平下以安黎民之永定吾  
矜凝者乎占之然則是香也五木百蘊不論其侈矣瑞麟  
辟邪不論其貴矣嶺山數十仞蕤沈沃甲聞數十里者適  
足以括帛氏之明也吁豈知吾凝之有其道哉豈知吾凝

之有其道哉書諸室為記

壽齋記

論將壽之道者有三李少君謂丹砂可化為黃金、成以為  
飲食之器則益壽此方技家之論壽也廣成子曰必靜必  
清毋勞女形毋操女精乃可以長生此道家氏之論壽也  
九子曰仁者壽子思子曰有大德者必得其此吾儒氏之  
論壽也方技以術道家以智儒家以德、上也淮陰湯公  
仁也壽之承旨趙公嘗為書之於燕處之堂今年登八袞  
矣為其子者中書省宣使其與諸孫持酒以慶公之高年  
宣便某又命座客劉仲威氏不遠數百里求公壽室於予  
將以光其身而且垂慶於後人也予謂齒踰七十子孫日



繫乎四世湯氏之福於壽也不誣矣顧未知其得壽之道  
出於方技乎道氏乎儒氏乎仲咸曰湯公素以書禮教子  
孫不遠千里明師若劉正安之徒且將捐田若干畝立義  
塾以淑及里中兒矣湯公豈方技氏道家氏之習乎夫德  
莫大於文王文王謂武王曰我壽百吾與爾三馬是壽不  
出於天而果出於德也信矣公之德先則公之壽可以及  
其身而延子孫矣湯氏之祖若孫尚以予言之

衍澤堂記

太史公自敘司馬氏受姓所從上起顓頊子孫官居功烈  
文辭下反其身而上嚆世德子孫固不嫌於自勉也明泰  
州孔希道氏自著宣聖五十六孫泰州之派實錄宋朝公

端朝出守泰得賜田建家廟於州之東北地因名孔家塢  
朝散七重係瑛任中山府教授希道瑛子也遭羅兵難挾  
碑渡江與溫衛之派恭會不誣蓋於世德自重如此所以  
之舍又以衍澤二篇文顏之來必首謁予草玄閣求言以  
為志予謂聖人設千五百年自行聖公襲封而下父子秀  
孫得試胷子豈以表嫡氏者歟矣况散而四方墜在編戶  
稍知自拔游庠序以為食或者又以譜裔不自遭黜者不  
免若希道氏為先聖仕裔欽：乎恒懼世德之不嗣入吳  
執經於名師傳且將試有司與胷監之士角庶聖澤千五  
百年之行于我者未艾也吁聖人德厚其流光其澤隆萬  
世而不斬嗣其世者又克先其載德其載德其澤不益衍



矣此係希道之自期而吾濟以期希道者吾聞君子談世  
澤者不在累名疊爵而在行應禮義希道行修而名至其  
行澤也何以尚茲

正心齋記

浙江萬戶侯石伯玉氏自顏其燕居之東室曰正心伯玉  
嘗予其所在客列者皆士之卿大夫之賢或雅頌投壺  
或鼓琴賦詩不知伯玉之為武夫長也明日且請余文曰  
記正心余曰抱豪傑才而知聖賢之學亦寡矣而況才  
已成恐為懼心之不正思求聖門切己之學者乎予觀  
代之萬戶侯往以少年子弟襲先爵伎以習武為名惜  
公喻於學剛復自用侈威自驕大幸而生於太平之世武

無所於用惟務臂鷹走馬弓矢為戲遊已則思羔擊鮮  
招無良狎徒酣歌舞為事者比也而豈有英年老志切  
切乎正心之學又求儒先生之言著之座右以為警者如  
石侯者哉故為之言曰人之所以正者身也身之所以正  
者心也心之所以正者其道何繇敬而已矣請以射喻射  
者不正已而後發內志正外體直而後不失於其正鵠此  
非敬何恃哉文士之心正者占筆武士之心者正占射伯  
玉知射之不可以心不正也則凡臨事而懼有大於射者  
其不可不恃正心之法哉嘻棘門之戲不如細柳之肅飛  
將軍之縱不如程將之徇此敬與不敬心不正之效也  
伯玉尚以予言勉之



歸來堂記

予入吳首謁三高祠以其去國者非忘君還鄉者非懷土而枚迹江湖者非方外敷教之士也吳人至今高三人之高而不知其繼其高者范張而後為何人也或曰上洋有章吉父氏殆其人已乎吉父少年以奇才為丞相府舍人未幾棄傳遽為宦使者遂通籍近官遊京師者三十年出貳尹江浙府適以內艱去判闕鎮撫海道裁數月即幡然歸曰吾髮禿矣夫夫人之年且望耄矣城南有桑麻田若干頃 上不知禮人謂我何人謂我何於是作歸來堂西偏遂雅志也余今年東遊道清龍江吉父之宅在江上延致于堂中自釀樂酒中為余驩因得奉觴

為大夫壽明日吉父請文請文記歸堂吾嘗慨晉處士之歸來矣不知者以為恥五斗之折腰知之者以為典午氏將路而不忍二姓之事人也今吉父生于盛時遭逢 聖君聖賢相之明用於才也而吉父且以才選登要路年未及致事而即退然以歸則以母故而愛日之誠有不能已者處士之歸其歸以義吉父之歸其歸以孝之義一道也歸以義非世道之幸歸以孝實風教之榮歸來名堂又豈臨晉處士之迹亦自高而求報夫鶴夷子張季鷹之後者耶雖然吉父年示老示神爽峻而才識茂進賢者未肯輒遺於吉父也求忠臣於不孝門則已如以孝門則吉父其卒老歸來乎請以復吉父命書諸堂為記



東維子文集卷之十三

東維子文集卷之十四

會稽鐵屋楊維楨廉夫著

記

內觀齋記

浮屠氏嘗有內觀之偈矣其所謂內觀者役心以觀心有  
說者遂謂以聰聽者聾收以氣聽則嘿而有雷霆以明視  
者聾反以神視則瞶而有蕙草皆畔吾心學者也儒先生  
闕之儒先生所謂內觀蓋聖人示人以自檢之幾也故其  
教法施諸弟子者任、發是幾是之返照返照而後有以  
自悟其所學謂之內觀之教子使漆雕開仁問子貢與回  
也孰愈以從我子海屬子路皆發以內觀而使悟其所自



得者何如也至于顏子曾子則得于內觀者大矣曾子之言曰吾日三省吾身吾身孟子推之為守約他日竟以魯得聖人之道者此曾子內觀之大者也顏子之言謂聽前思後而獨有見其所立卓爾子貢推之為聞一知十曾子亦指之若無若虛他日意以過而得夫子之道者此顏子內觀之大者也學子子恂以內觀名齋而請記于子故予示之于聖人之道教安之以顏曾之學以戒之以浮屠氏之說云

中定齋記

道定于中而定母一越乎中譬之衡也首尾軒輊豈有定則乎道不通乎定則為仁兼愛也為義為禮也為直證父

也為廉離母也為敬名居也為公賈反也為不義焚妻食子也其害道可勝言哉堯以天下傳之舜無佗言中之執而已舜之治天下也用是中而已然子莫辨執中也子莫執而無權是中而不知道乎定則者也故聖人立中之教曰君子而時中使人用中之有權變雖然權度未易精也權度未精中固未可定也中之何如察于惟危惟微而安于無忌無為萬物之紛起紛伏于前者不逃吾掌指而與之釋然于兩忘之間世吾權度之至也若是雖乾坤之開合古今之往來亦不越吾一定之內耳矧萬物乎姑胥申屠生衡子既字曰權而又名其治業之齋曰中定衡遂始志齋故為志如此



約禮齋記

吳興蔣生毅于既名其讀書之齋曰約禮生遂有請曰願  
先生賜一言書諸室以警教也志之曰聖人之道其高如  
如天其浩如海遠而求之窮焉莫知其而即焉焉莫知其  
所之生于老死而不得者以無繩尺為之約也禮者所以  
為之繩尺之所也此聖人以道教人而必正以禮所以約  
其歸也聖人之道高且浩者若無繩尺至約於禮則有極  
矣老莊氏善以闕闕之言曰大道而聖人之徒無取焉於  
道太高而絕禮太甚為聖門弟子稱顏子始焉求聖人之  
道仰之則彌高鑽之則彌聖瞻之在前又忽焉在後已如  
有所立卓爾者竟以約禮得之學顏子之學以求聖人之  
道在是生也生勉之

學詩齋記

吳興陳生魯從余于雲間學經業且曰某不敏未敢學先  
生之春秋而詩者實與春秋相表裏也願先生學詩而復  
及于春秋也且名群業所曰學詩齋請記一言以自勗孔  
子曰詩可以興可以觀可以羣可以怨之數者豈泥于章  
句文辭之末者所能得哉孟子論說詩者不以文害辭不  
以辭害意而以意逆志是為得志此孟子之善學詩也又  
曰詩亡然後春秋作蓋孔子錄堯王  
者  
而三綱五常有不可言者矣故  
誠未得于詩又焉能得于春秋也哉上



亦有理哉雖然食魚而味者不知有食熊掌而味者不知  
人莫不飲食而知味者鮮矣故善學詩者不知有

春秋善學春秋者不知有詩非謂二學不相通也學經

也於詩知食失食而飽矣而味不知則謂

之善學詩不可也孔子困疾夫學詩而無知味之得者矣  
其曰誦詩三百授之于政不達雖多亦奚以為生以予言  
勉之授他日授之政也雖蠻貊之邦行矣奚往而不達哉

### 純齋記

常城之西有家塾為經鋤而世以詩禮傳家有為倪用宣  
氏即其居之西偏額之曰純齋者則用宣燕處之室也用  
宣之人父富陽公子之舉主用宣視予猶叔也遂以純齋

請志于予且曰其不幸早孤稍長即承門蔭役于堯庫之  
賤者三年志不獲伸而養廢于親學廢于一身一旦勇自  
棄去題讀舊書以待吾豆觴母氏欲為世之趨走縣簿站  
站焉奴鷹犬之役以固蹠競之進者吾不能已故不齋曰  
純云余疑用宣出純紆家皆秋鼎茂官勅之發如舟縱下  
水鴻迅順風而遠以純自其豈其情也哉惟其豐于用而  
局于地至于寵辱不驚遲遠不較此非其學力之素則天  
資之時也余悼世之士幾弁高之于連屨列壻之間尋亦  
闕膏病于隴斷將一以捷于進也不知足一躓則沒陷窮  
卒不免為人僂其捷何在哉回昧純齋之純優游于水之  
陽山之北上有垂白之親下有舞榭之僮外有賢師良黨



之文際樂其樂而不知世有崇高雍貴炎冷榮悴之一去  
一來者其相越豈不霄壤哉用宣之師為張吳國氏友為  
康伯齡氏以其獨到之資加之以師友之學用宣之光其  
先而載德于其後者不可量已外物之一利一鈍又烏足  
以計吾短長也哉

### 則齋記

吳興趙生名柯字仲則又自號其讀書之室曰則齋生以  
大父府判公與予同仕于台而其外舅府推吳叔英氏又  
予之舉主也遂以則齋求說于予予惟生之則取義于伐  
柯之詩中嘗讀叔是詩以證道之未嘗遠乎人也夫求柯  
于木其柯之則在此柯矣人猶惑于彼此睨而視之猶以

為遠也治人之道於此取之未嘗遠也以為遠者何異觀  
之為惑者哉聖如孔子而曰君子之道四丘未能一焉故  
其治已也以求乎人者反于吾身而已生能以孔子之自  
謂未能者不敢不勉則其在是矣俾曰能為人則不為人  
下君子之欲上乎民者無是則其可乎故推是則於身也  
則容止可觀進退可度矣推是則于民也則畏而敬之則  
而象之矣故曰君子動而世為天下道行而世為天下法  
言而世為天下則子乎此則之極功而學之能是也生以  
是則勉之哉至正十年冬十月廿有五日記

### 月山記

月有山乎佛氏謂月中之景大地山河謂之月有山可也



山有月乎極知微登天柱峯得月于陰梅之秋謂之山有月可也天月者水之精山者石之積也水與石不相入而未嘗不相入也此彥明氏得月之山以為物之奇會也彥明者音為關化縣得此于金錢溪上孤峯特起如一弁今之頭有白章若月之弦彥明喜之若獲拱壁曰溪名金錢而溪之神不以錢浼我而以此月之山吾烏得不拜神休以為奇也遂名之曰月山且繪為圖出以示予請月山記余笑曰此月山之假耳圖益假余何記吾將與子梯九節杖挾飛仙以遊于廣寒宮以俯攬乎海內外之名山又將東上岱峰萬仞之頂看黃玉輪出九地底此全山之象全月之真恍乎惚乎得諸秦初之鄰庸衆人之烏覩者也予能從之乎彥明曰吾不能吾已得之月山之月云至正十年十一月三日記

小瀛洲記

神仙之說八方有鉅海鉅海之中有仙洲十瀛洲其一也漢武帝嘗巡東方朔曲室問十洲所在及方物之名謂瀛洲在東大海中地方四千里上生神芝玉石山高千丈出泉如酒名玉醴泉飲之令人長生洲上皆仙家其山川風俗似吳中然其所也可聞不可到也故秦玉開館選天下學士其中地位高而人物勝天下比之登瀛洲云吳興褚壽之之居有水木花石之勝名其堂曰小瀛洲壽之宴于堂上以記請非徒以小川風俗似瀛洲也以其前之人有



居瀛洲十八士之列也壽之之先出瀛洲學士亮：子遂  
良居抗其後有從胡之南漳朱塢庄者遂為湖州人壽之  
蓋瀛洲學士若干世之孫也壽之伯仲凡四人子姓凡十  
餘人自五世祖淮安縣丞由科第起身代以詩禮傳家壽  
之先府君棄世任侍親壽之伯仲皆有仕才而不任其學  
而任而都清高之地以繼登瀛之榮說者不在諸子乎予  
又喜諸子皆聰爽喜學問諸父益輕金重名師之睹師有  
不憚千里而至者吾知褚氏子孫光繼祖亮者：有人  
今日居小瀛不為異日登大瀛之階乎問其所者又何必  
指神芝醴泉曰玉之山乎而況山川風俗之美類吳中者  
不在他此也書諸堂為志至正十年冬十一月序

愛日軒記

予讀楊子書至孝子愛日亦嘗不掩卷為嘆嗟夫孝天誠  
之出也惟其自知日不足者吾知孝子之天之誠也吁樹  
欲靜而風不寧子欲養而親不待此孝子愛日有不能自  
已非有使而然也故曰孝天誠之出也愛日誠之至也鏡  
唐市中有金孝子鑑者築室於舍之南以養其親親之曰  
愛日取楊子義語也吁金孝子之養親殆出于天之誠之  
至也期于斯而省為夕於斯而定為出于斯而告反于斯  
而而為至于問所欲推所與承所欲以行無不一于是孝  
孝養親惟見其日不足也謂金孝子天誠之至非歟吁愛  
日之書蓋孝子天誠之托也昔者仲由賤食藜藿躬自米



百里于親在之時其後累禍坐列鼎食而憚其親之非及也吁是有愛日之誠而不能俟乎貴富以為養者也狄仁傑親在河陽登太行見白雲孤飛以為吾親舍其下而晚望弟及吁是有愛日之誠而有不能恆在膝下以為養者也金孝子者家有奉親之資又不肯輕任以一日去其親蓋不俟乎後時之貴富不在遠方之咨嗟而悼恨吁金孝子之養親豈非人子之大幸而能乎季路仁傑之所不能便愛日之誠始終無怠如大舜之慕其親者吾為記茲軒于後子孫耳後子孫皆以爾孝子之心為心是孝子一行純推為一家之政又使天下人間其風而興起為孝之子感子人而動以天下者不可勝用金孝子之行為世教之

係者又豈小補哉魏生本信持其卷來于是乎書為金孝子愛日軒記

### 脩齊堂記

吾州諸暨有東西施家西家之秀鍾於苧羅美人而東家無聞焉至宋始為施宗聖者學行專于里閭人稱為東丘先生東丘先生之後有鎔者紹興中進中興雅頌子姓由東而西多隱處吳門吾入吳得諸閭閻之外為仁傑氏其先蓋日越來者殆吾邑東丘之後已身吾初未識仁傑氏吳中學子張守中年十四稱奇童能夜誦經史書數千百言日課大經義賦表章若干首貴官女及里中多田翁爭壻張氏子而獨為仁傑氏所先可以識其人矣仁傑嘗



致致余于所居堂觀其題額曰脩齊吳興趙魏公之所書也因擊觴拜以請記余視閣閣之居皆皆財之惠而其人皆五方商賈之人也日出而蚤營日入而未息所與言者皆錐刀之末乾沒之計也吳之語身脩則曰衣被文繡耳吳之語家齊則曰峻宇雕牆且烏知吾聖賢大學之道哉而仁傑乃獨拔乎流以大學之學自律仁傑蓋古權魯長者也素孝友于家孟子推大學之教曰國之本在家家之本在身是知一身修一家斯齊矣一家齊一鄉斯善矣達而推之千里之治廣而克之四海之均不過一脩齊而已耳大學之言曰一家仁一國興仁一家讓一國與讓感應之機其捷固如此脩齊之化行又豈獨善一家齊一家而

已哉吾聞吳俗多好內而外尚勇有逞匹夫之鬪而殘厥軀慈于兒婦之舌而亂厥家者聞施氏之風豈不有愧哉施氏之化行則吾之記斯堂庶不為空言也矣至正十年十二月十日記

南樓記

信都吳公僑居吳興築樓岸誓水北枕蒼弁金蓋玉几諸山拱在離嚮因命樓曰南且以自號置書萬卷樓上一時名士考經斷史及東南民事必畧是樓余亦在畧數而樓記于余余謂南樓在武昌于晉庾亮氏代之首家富室高臺峻宇俯陽而樓度玉帛極歌舞以都山川風物之勝者以萬數而亮後無名焉越數百年而吳公之名于吳興



者繼之豈非稷倚於地之靈而地又倚于人之傑也耶雖  
然亮非人傑也亮亦莊老氏學善清談之士也識闇才短  
徒以周公親受重顧四海惻心奸臣肆志非賴二三方岳  
則未度之國幾至大獎未路之窮至欲竄山遁海不獲已  
為蕪湖之出武昌之駐其在武昌也未聞有所經略顧欲  
任循忘黜大臣諸左吏皆東閣之物又未聞雄特其中月  
色橫陳秋思不淺南樓之登徒與浩輩談詠光景曾無裨  
于中州多故越雷池一步也其才不足與有為如此今公  
以方之學相家之英既出為天子耳目剷除奸惡登進  
忠良遭吳喪亂又出而身任城社之重而樓與門容察友  
之所謀白者皆經國之道和濟時艱之策也今日之吳興

豈與昔日武昌同一秋月哉吁秋月無古今而人物有古  
今庸詎知夫今人之不優于古者也耶登斯樓者攬山川  
人物之勝又安知無善賦士夫飲酒山川之神以述大業  
頌隆乎以副浩輩之所談詠光景者哉書諸樓為記公名  
鈞字元播身章夔國之季子御史中丞南自公之仲氏云  
至正十三年夏五月記

### 生春堂記

嘉禾謝玉淵氏名其燕處之堂曰生春取靈運西堂詩句  
也京兆杜伯原父既為作小篆書之而又徵記于予嘗  
過其家必譙予堂之上講春秋經學嘗扣玉淵曰聖人以  
春一言加王正之上者非史氏文也春秋第一義也傳經



者慮周正非春則曰夏時冠周月吁宣正始春人所知也  
又豈知子止為春之生之始乎論三統者以十一月乾之  
初九陽伏于地故黃鍾為天統春之所由以生而為萬物  
開闢之端也使聖人假寅正于子月是天時懸隔于王正  
者常兩月也何以示信于人乎字春之義莫深于春秋又  
豈汝家卷兒吟弄草木者所能知乎玉淵避席曰謹受教  
予曰未也吾聞幽有谷也壤美而苦寒五穀不生日草不  
值土律者一吹而春氣應草木生人之相天時有如此者  
今深山窮谷豈無固陰沮寒應春氣而不毛雖太陽仰照  
而有不能及者使律氣均應不毛者皆生之而不已君豈  
無術乎即生春者惟之物有彼其賜者矣毋徒資之夢寐

之附為吟哦之具而止也玉淵崇酒攜觴鞠脆而謝曰某  
不敢不惟受生春教且受春秋教也至正十三年七月十日記

### 尚志齋記

余讀陳勝傳未嘗不嘆士非志不立勝以燕雀待傭儕自  
待其志為鴻鵠勝之志在富貴後亦訖不誣吁勝人奴耳  
矧不為勝者乎聖門弟子如顏淵曾點季路公西華聖人  
必以志發之諸子之志無大于顏子顏子願得明王輔相  
之故其善適天下而無所伐勞過天下而無所施若顏子  
者所謂大人君子之志非歟孟子曰士尚志尚如尚服尚  
車之尚蓋導而生之之辭然尚一也而志有不尚同不可  
以辨也崑山呂子正氏名其燕處之齋曰尚志蓋其友張



希顏來請記予謂子尚易也弟未知子志安在子正曰中也學于聖門者徒切有志焉在李氏路之間也顏何敢哉子謂之喟然曰予之志不鄙矣推是以往不為顏子也吾不信也顏子未達陋巷之人耳使遠也則春秋之伊尹也學顏子學志伊尹吾不以望子正其誰望子正年方踰冠而好學不倦事承父以行其志未著也而所尚已如此異時秉志以奮吾知其無能禦者兵書齋為記

至正八年夏六月記

### 藍田山三一精舍記

藍田山三一精舍者桐廬姚傑氏之所創也山去桐江北三十里北負鍾阜與周嗣氏隱地伊適其東平爐峭壁紫烟瀑布如白蜿蜒掉尾雲際西見天日南見高龍冠傳蓋

佇江水帶其下如玉虹在地縹山而去此藍田形勝之會也宜有仙人逸士之所都而傑以三一精舍據其會於至正甲午落成于明年予過桐江欲抵其所而未遑傑乃國山水狀及其營造歲月介予徒章木求言以為記予詰三一則曰三者孔老釋也一者道之歸也其位著中聖人尊少文昌之殿釋左之老右之予疑三一者既推尊孔氏而孔氏之不左右不無徒也何敢老釋耶則又曰道之大者莫如吾聖人其岐而去者為老為釋吾將約其岐而歸之大而正者此傑意也近代縉紳大家廟制不講旁營三教之堂且以孔聖翼覆曩之尊且侮聖教大矣傑也逆於吾陵道夷之際挈而尊之彼二氏者若在弟子之列化異



端歸山極使俱知有君臣父子之倫禮樂刑政之教民之  
秀而出者不沒溺於虛無寂滅之歸豈非傑之用心弘而  
推也化者廣也故予樂為之書使詔諸里以垂諸役人不  
終為異端如同顯氏之惑也世教之補渠曰小哉公名僕  
字君用裔出唐之少監合年八十耳目精明結廬於雙柏  
間以文酒自娛其天年學者尊為柏庭老人其養徒之田  
世入主奉者凡若干畝石籍見碑陰云

松月軒記

吳興東去若干里其聚為南潯褚氏樂聞君之世家在焉  
至正甲午先廬遭兵燬其子質字彥之重創別業朱塢溪  
上蒼松夾徑數百植林下石床雲磴廢以重軒時焚香讀

易其下月夕則鼓琴或歌騷或與客嘯傲賦詩仰聽虛籟  
俯席涼影儼若物外境也遂即松月扁其軒不遠二百里  
走雲間請記於予予文其父兄幾二十年彥拜予為父行  
年視之異姓姪義小可老懶辭夫蟠根錯節貌風霜心跡  
右閱歲寒而不與家章樹同腐者松之操也乾坤一氣之  
清中為大陰麗序而與日代明以成七政之功者月之德  
也彥取託於松月松月不在松月而在吾氣之一剛方寸  
之明矣爾祖瀛洲學士逆良任顧命之重當逆北萌亂之  
時不以萬死懼抗顏而極諫耿志盛矣彥為其雲耳俯甲  
午諸兄罹不測之禍彥捐軀之厯險誓不與共天必復其  
仇而後已遂良稱孝忠者氏稱孝喜人之行莫大於忠與



孝也使房上人之朝當大任必能操大節又何忝爾祖哉  
吾所望於房者在此其託物於剛與明者於松月間之豈  
果騷人墨客玩美草木者比哉房作而謝曰某雖不敢效  
群先生之教請書諸軒以為記龍集己酉秋七月初吉書

竹月軒記

詩人以月配竹者自六朝無聞焉李諱仙有何處我思君  
父台絲夢月月寄於夢而不在竹也六一翁有頽侵風霜  
色病過桃李月寄於桃李而不在竹也老杜竹送清溪  
月月又兼以溪言也惟老坡明月浸疎竹始末竹然坡  
得此景於方外之虛寂堂耳而未見於士大夫之家見於  
士大夫之家吾今得於雲間義門夏公子益中之軒予嘗

夜宿其軒少焉月出竹頂益中坐落其下仰見玉文數十  
喬挺秀疎朗若空谷佳人將倚翠侶訪至於虛庭而躡盤  
礴不忍去而不知清夜之徂也已而主客相與酌酒盡醉  
脫巾掛疎枝成鼓琴或吹竽擊石與玉立君鏘珠相稱春  
應鐘懸於天而景散在地鉤韶鳴而龍鸞舞也是時主客  
頽然就卧忽不自知其身世在白玉閣中軟紅塵裡也席  
上客道各賦詩明日連書諸軒主君因以竹月名軒而推  
余為竹下志益中清早而才氣甚老尊師樂友化勢利之  
俗為禮義之鄉忝矣業義門之後故樂為之書



東維子文集卷之十四

此卷文字極其簡淡，然其意蘊深遠。凡屬借物之類，皆能入於心，而後出於口。其言借物，不特借物之形，而借物之神。如借物以喻人，借物以喻事，借物以喻理。其言借物，不特借物之實，而借物之虛。如借物以喻心，借物以喻性，借物以喻道。其言借物，不特借物之微，而借物之宏。如借物以喻天，借物以喻地，借物以喻人。其言借物，不特借物之小，而借物之大。如借物以喻身，借物以喻家，借物以喻國。其言借物，不特借物之近，而借物之遠。如借物以喻古，借物以喻今，借物以喻來。其言借物，不特借物之實，而借物之虛。如借物以喻心，借物以喻性，借物以喻道。其言借物，不特借物之微，而借物之宏。如借物以喻天，借物以喻地，借物以喻人。其言借物，不特借物之小，而借物之大。如借物以喻身，借物以喻家，借物以喻國。其言借物，不特借物之近，而借物之遠。如借物以喻古，借物以喻今，借物以喻來。

東維子文集卷之十五

會稽鐵屋楊維禎康夫著

記

借巢記 五十四 借誰借得

客有號鶴巢者自統而蘇而松率假館以居予一日過其館改命曰借巢或有笑者曰鶴有巢而鳩借之鳩之拙也鶴不能營一巢而借亦拙甚矣乎楊子啞爾笑曰子亦知夫借乎人一身外為長物，皆借也吾試與子言借衣冠借以束身棺槨借以掩士石借以周郭山嶽借以積土天地借以奠岳極之以大則大靈借以闢天地何其非借也近而言之琴筑借聲繡綺皆色芻菘借味鼎釜借烹刀



刀借割壺豆借盛金玉借翫席借偃而策借扶也車借駕  
而馬借馳也旗幟借表而孤矢借威也印章借信而露布  
借令也櫜首借勢而封爵借名也遠而言之丹青借圖而  
金石借刻載書借誓冊府借史而聖人百家諸子之文借  
以寓道也又何往而非借也及其親也妻借齊子借嗣父  
母借生而吾六尺之軀亦借也吁借乎借乎何嘗于一粟  
乎或者起謝曰淡矣乎吾之窺借也吾因子言借而知天  
地萬有之不有于我也楊子曰吾于天地萬有皆借也而  
有不借者在何在也曰以天地萬有之借為借者萬有之  
客也以天地萬有不借之借為不借者不客于萬有之客  
者也乎徒知吾有借而庸詎知吾不借之借而不客于客  
者耶不客者誰曰問諸有物有物問諸有初有初問諸有  
無有無不可名全以各兵巢居客起謝曰請書為記客為  
隴石邾經也

營上山房記

贛之呂仲善氏早孤事母劉以孝聞長從鄉先生一靜謝  
公遊通易經以其餘力屬文賦詩頗有古風裁 聖天子  
一海宇招延俊乂善以異等才登選曾子齡有錦書室在  
錦川之陽陽坡之下貯書數百卷題其顏曰營上山房示  
不忘其義于前聞人也出使于淞謁抱道先生于草玄閣  
曰願先生一言以白吾志先生曰營丘在虛危分楚為今  
濟南地太公尚父之食邑也太公治齊舉賢而尚功至



十四世為小白主霸以管仲富國匡天下而太公之澤益  
遠且大孔子曰微仲吾其左衽矣多其功也太史公曰太  
公尊賢智尚功能而其敵則夸奢虛許而不情傷其俗也  
善欲振其緒于管上而又直 明天子之登賢以圖治其  
以仲之富國匡天下者為勉而以俗之失不情者為戒則  
可謂善嗣管上者矣善謝曰請善為記戊申冬十月朔戊  
辰記

南漪堂記

華亭葉生杞家有林塘之勝在黃龍浦西蕭公津上讀書  
之堂南臨之故名南漪杞謁予草玄閣求一言以為志至  
四三而不已為之言曰昔眉山蘇子嘗有是說矣而生之

堂又襲之耶雖然襲其理之所得何嫌于襲耶善言漪者  
莫如易之渙其田風行水上渙此漪之極觀也說者以為  
風與水相遭不能不為之文也此漪之說文也予以為漪  
之所以為漪蓋有為之本者其可不知乎今夫水由地中  
行源深則流長其發岷峨越崖谷衝林莽傾折回直束之  
峽匪之為湍激之為湍瀑千變萬態不可踪迹然後達于  
江河以朝宗于海有本者如是哉苟為無本溝澮之水朝  
盈而夕涸求一漚之微不可得奚有千變萬態極觀于渙  
之漪者也杞也有意于漪其亦于本者求之否乎杞詐曰  
唯唯

純白窩記用聖紀代老莊獨為高出



華亭縣北距六十里其聚為小菜其吳越裔孫為臯氏先  
廬燬臯復新作又於堂右介闢高一所上結圓項下方四  
落皆重為雪色泥甯牖六又以雲母片四幕之渾然瓊宮虛  
也名之曰純白臯嘗宿余於寓且徵純白誌責之上九曰  
白貴無咎以其反本也天下之文莫文于白文之純又莫  
於本反本也吾聞臯壯年通經史及國語問孤矢騎以義  
俠廟狐貉游徵問名貴人爭欲致門下盜壓竟臯呼鄉兵  
甲捍于淞陰鄉賴以安又以白衣恭誥督帥起者却冠首  
復紀臺活道黎數十萬今齒及莫矣功亦茂矣假亦可體  
矣故斂其神于反本之地此純白之所以名也臯有四子  
若孫者五皆玉立庭砌間將有賦白華稱潔白于時者又

知臯之反本貽世亦無窮也臯氏子孫尚勉于哉至正  
庚子夏五月蒲節後三日寫

薊林記

松之色帶江枕海聚為山者曰哥曰雪曰神曰小岷小金  
地皆平嘗大陸呀淵疎川突而高鬱而秀瑤而詭之者則  
喬木之林大姓之所宅也去邑之北五十里其川為滿淮  
北反為小菜崖小菜古崖百十極者九齡徐氏之居也去  
居左介一百步壑池數十里池上植松柏枯檜桂椒梅橘  
桃李草則芝蘭菊芷荃蓀蕙芷鉤連疊列四時之生香未  
嘗一日斷也因頌池塘曰薊林子過海上九齡榻于室者  
數夕臨分出楮筆曰先生海上還喜咲怒罵皆成文章醉



墨所及一草一木有光于薌林獨無言乎予曰草木之香  
細矣因人而馨者大且遠矣哉松柳以處士香香竹林以  
七賢香濂溪蓮以茂叔香羅浮村梅以蘇長公香草木不  
以物香而以此人馨也信矣不然雖梓澤乎泉林木之綺交  
錦錯者不香也吾愛齡之人品魁壘操行極高茂嘗與予  
論今人出處曰今之稱豪傑者彎弧運槩走戎馬開水出  
火入即可苟且頃富貴高者搔頰鼓舌闕聲高議以驚動  
所事自謂陶王鑄霸以徵其所實而為士之大慶不知大  
憂者在其踵觸羅罽穿車自踰路而禍及其擊權不能庇  
勢不能掩嘻若是者惜甚而博亦溢甚予不卒抵藉幸戲  
極返故廬與一草一木同華而共晉先人之賜先生之教

也予聞其言避之曰此吾子之德馨也馨之極於薌林草  
木者也故樂為誌薌林并錄其語為學之信且博者告也

### 回齋記

新經有鄉善士戴氏父者遺其子貞從予遊一日有請曰  
貞承父名於父承字於先生曰固而藏修之地未得齋號  
以自勵敢請予又字齋曰固且求志于告之曰固非高與  
之固也亦非固我之固也乾之夫言不云乎貞固足以幹  
事貞不固不足以為貞固非貞亦不足以言固而貞  
而固而後事之幹立焉故聖人許幹而必以貞固而不以  
享與利也生學與齒俱進將入于官而有事于政已曰易  
之所固者植其本于不拔本而幹而枝而花而實



何之歲月不恙其不茂且顧也生之貞母替于同也復有  
喻生于國者唐城南諸杜所居號居社固以其風氣所聚  
也宋祖所族也子孫所完也後為始者墓之血流者數日  
而固者崩矣杜抵國從而哀矣地不可以不固如是矧君  
子之操行乎生才先所固毋自鑿也

### 榆溪草堂記

至正庚子夏四月余東遊鶴砂回舟順流下黃龍浦又東  
抵榆溪見大榆數百章皆百年物也雨餘新綠蒼鬱若屯  
旌擁握樹底構草堂一所堂主者陶中出迎客仗茗飲床  
書充屋棟茶竈筆環左右又將客步後園花樹紅白刺人  
目折殿春玉桃花一枝供客是夜遠宿草堂明早于余記

草堂之號周顯嘗攝諸鍾山杜爾亦構諸浣花矣然鳴騶  
入谷而山靈見余晚巾據床而幾不免榻天下草堂萬  
也而幸有其身者少矣唯爾祖請節翁自彭澤來歸門種  
柳著傳以自況義熙之節良史書之五柳之德色者厚矣  
今子孫不堂柳而堂榆、視柳等也、知異日不有傳榆  
溪先生在龍浦之東如傳音處士以五柳者乎中日某不  
敏烏敢望吾前人之請記為堂以為警

### 槐陰亭記

三槐見周禮有三公之象焉宋王祐氏手植三槐而三公  
之位應于其後文正公且君子謂王氏之槐種德之符也  
海東王敏中氏為三槐子煙槐之樹之閭者亦三結亭樹



湖扁曰槐陰大恭周公琦為作篆書之又介吾門管生納  
求余言為志吁王氏之子姓何其祚之遠也祚之遠者德  
之長也晉大司馬庾亮手植之槐識者占其樹遷安而  
生意盡知則司馬氏之槐不知文正氏之槐聞其先者厚  
而蔭其後者長非尋常府寺之植可得而並稱也敏中席  
槐之陰思有以培槐之本則豈徒借剪伐如齊人之令仁  
以根其主義以幹其行忠信以要其成也盛德大業其有  
不光相門之植文正之堂庾敏中勉之有以微余言之不  
誣也至正庚子秋記并書于拖清堂

春草軒記

有詩

泐謝伯理氏於其正廬左介為謬語軒一所命曰春草本

靈運語也請予為之記予疑靈運以詩名宋而猶附麗于  
人以覓句何也在西堂時詩思苦甚坐假寐見惠連而  
後得池塘生春草句遂以為奇絕吁此三百篇後詞人以  
興趣言詩者也律以大義何有焉今人以一草木取以點  
綴篇翰極于雕鏤之工詩道喪矣談興趣者猷以靈運語  
出於經辭直指如高臺多悲風明月照積雪無俟雕刻而  
大巧存焉猶為去古未遠也伯理嘗與予論詩大忌凌跨  
大朝上探漢魏故于春草有得焉雖然伯理方將以詩備  
理教及於民豈必效永嘉詩人爭工於白字問者具慶在  
堂上年俱高矣朝朝下音焉有諭焉者夕焉有詰焉者  
于是家庭之教出焉倫理之化行焉家有悅親之堂不惑



一日違其色養吏部以品推恩及其親自謂因極莫之報  
時詠孟貞曜寸草春暉之句是春草所托又有關於倫理  
者指永嘉詩人未之知也吾今以論見春之實于倫理者  
不獨在句字間也係之詩曰

草生西堂下沱水含清漪皓髮在堂上遊子今已歸大  
兒佩紫綬小兒著緋衣嚴君親受禮慈母舊斷機春草  
承雨露惟恐朝日晞願持此日意永報一春輝

悅親堂記

謝氏由陳留徙淞者代有文行為衣冠望族至德喜封君  
養高弗仕生產益饒門第益大至正丙申苗虜陷淞封君  
廬亦燬明年復新作之具子伯理率其二仲奉親于一堂

晨昏于斯不使枵腹以一日去其堂予嘗名其堂為悅親  
今來杭遠以記屬于世之以為悅者無大于悅親矣子夏  
問孝于孔子孔子曰色難父母之色間見于幾微者孝子  
迎而順之為難迎而順之不難者必孝子有至故至愛關  
于親者切若曾子之養志者是已孟子不云乎悅親有道  
反身不誠不悅也誠者至愛至敬之謂也今天備羞水陸  
列伎聲色百料上案于親者非悅也華服飾奇器金玉  
寒更煖揆于親者非悅也鍾敲軒運子本泉溢歲上券於  
其親者非悅也必悅之如曾子者而後可伯理事親尚友  
曾子悅親之道義有加于此矣雖然伯理方任鄉郡出有  
民社之寄以其悅者身之昆弟循之而後國人因之所謂



及子兄弟足法而后民法之矣理之弟曰恒曰鼎皆嘗從  
于遊恂：然有古考反之風教師于百世者有矣豈真國  
人一時之法哉異日和氣應孝之門吾見瓢水之易風山  
之陰有同類之禾并柯之木產焉田氏三荆有不能燒其  
美者吾過封君堂上尚能為子賦之至正己亥秋九月丙  
午記

### 好古齋記

鄉友俞璩仲桓通經術自命其讀書之堂曰好古來杭請  
記于予予為之喟然曰古之不諧于今者久矣敦以古為  
好耶三代下嗜好百出好酒而鍾以隨好博筭而牧以亡  
好勇而舉鼎以說牘好獵而隊車以隕首好游而冒害以

利好詖諧而售辱以戲好書而汚髮以為顛好畫而竊封  
以為神好鍛而倨以取禍好石而拜以取喪好鶴而乘軒  
以取滅國所好不同而所失亦隨以異惟好古為聖賢之  
學俞好俞高而入于聖賢之域而凡世之所好者不一足  
以動其志此好古如也今之人不古好履以好古為野談  
駁無任恠搖不道遂至毀綱裂常自謂行于今者橫如也  
不知步踏者在戶限外吁亦足者矣蓋孔子嘗曰先進于  
禮樂野人也孔子之時已待古為野而孔子豈敢以野待  
古哉故曰我非生而知之者好古敏以求之者也仲桓也  
生後孔子幾二千年不滿于三代以下之偏好而獨追孔  
子以為古者而好焉非有聖賢之學不能仲桓今仕矣任



民社之責矣以其好古者行于仕也吾見民之生于古而  
毀網裂常者無以容于今孰敢以野議好古之古哉桓起  
謝曰謹受教請書諸齋以論夫議古之野者至正己亥冬  
十月初吉記

尚朴齋記

太樸一散勢不極于文不止也殷質特尚猶本乎朴至周  
又郁：吾聖人不能不從時而救弊之懷則欲從先進之  
野至用四代禮樂則取殷軀亦貴其朴耳使聖人待位其  
不反朴于古吾不信也漢大臣師蓋公還治于清淨無劫  
至寧謚三業之君又當率朴為天下先幾致刑措此朴尚  
之効不可誣也惟楊周信甫以尚朴名其齋介松江守顧

公謫記于予予未識周君而顧公稱周君篤厚古君子務  
以一朴存心而待物又以之位太尉府收行簡之効則知  
周君傷時之懷欲返治于古其亦慕聖人從先進者歟其  
亦蓋公之可師于漢大臣者歟今 天子法漢治文之太  
尉菲會惡衣以承 天子之化周君又以朴尚贊大府之  
政一朴之係于天下者大矣朴名一齋固不得為周君私  
也故予不辭而為之記且俾松之能詩者頌之如后云

虛舟記

平原生居九鳳之山以虛舟為其一室客有道而詰之曰  
聖人取諸 剡木為舟以利天下舟濟世之具也而子以  
虛名之亦有說乎生曰余族居海堧見鳳壽倅作佻客之



舟兵入漕人之艦如山如雲昏溺没于蛟鼉之穴往者不  
返而來者未已也嘗作吊溺文哀之而願余舟孰得而涵  
乎客曰子之虛舟將何載乎何適乎生曰吾舟本虛復何  
載吾舟本往復何適客皆之曰子之舟殆不如丈尺之朽  
槎乎槎神而能引客道天漢遊牛斗間子之舟何以自神  
乎生未知所對屋山鐵道人在座溢而笑曰客欲知天舟  
之神且大者乎天一氣也氣水也地一舟也地至重而浮  
游于一氣旋薄之中未嘗溺也非至虛而互神者能之乎  
客以丈尺之室視舟亦隘已以大地之大視舟則舟之虛  
者大虛無以尚之若是則果老之舟鐵務相之舟土絡南  
公之舟葉以之稱神者未矣客遂往生出楮筆讀書為記

生名曠姓陸氏雲間人也鐵道人秦定開李忠介公榜第  
二甲進士楊維禎也

五雲窩記

雲天地之靈氣其與也勃焉其滅也忽焉不可以色求而  
色之變出焉或以青以黃以赤以黑而以同以三素以五  
采而名亦隨之變偽者談五雲有以望而知帝者之止占  
而知賢人之居夢而文章之進北而知名進士之出又托  
而為蓬萊仙境之求而未有命之于居者淞之瑛溪呂希  
遠氏吾以五雲名其居則亦有說希遠富家杭從白曲外  
史張公遊思其親不置外史為搨其窩曰白雲取秋公思  
親意已而歸耕溪上養母以孝聞且虛其先墓林薄間曾



見非烟非霧蕭索輪囷具五采以錮人者吁此五雲之瑞  
孝感之應也吾得諸璜父兄之言易其名為生存者若希  
遠氏之不思一日去其親奉歡菽水于流離顛沛之秋此  
非人瑞而何有人瑞而後有天瑞或有徒以占侯夢寐賦  
詠山幼求生之五雲者未為知生者也余故著其說錄諸  
寓為記

### 文竹軒記

潼川文同氏自館職乞外調屢歷郡守有治狀官至司封  
員外充祕閣校理其高情曠度類神仙人文章有丹淵集  
不在一時疇輩下顧以畫竹知名伎掩其人君子所惜在  
洋州時構亭篔簹谷為游息地故於畫竹益工時作古槎

老斲淡墨出神謂之墨林蓋非丹青家所能匹也評其妙  
者謂其胸有奇氣壓十萬丈夫者非繆雲階義門夏士良  
氏博雅好古蓄書萬卷外古名流迹墨含金購之弗吝于  
文人才士之圖寫猶所珍重居之鹵偏有肅客軒名之曰  
文竹者有文同氏墨君子之澤也士良蓄畫凡百十家而  
獨名文竹於軒非文氏之墨君可貴三百年之清風雅節  
可詠耳雖然篔簹谷多偃竹同特愛之嘗畫以遺予瞻氏曰  
偃竹數尺而有萬尺之勢其詩曰待將一段鵝溪絹掃取  
寒梢萬尺長偃竹有不可偃者如此與可以之子瞻以之  
士良之所藏作於篔簹谷不篔簹谷不問顧亦問尺之素有  
方尺之勢不可偃者何如耳士良任志未伸必有得于此



者不然軒之外林、然麻生而立標者皆冒管物耳何獨以畫為賞哉抑吾聞夏先人止知公有義刑圖兵餘圖與堂俱燬士良更命荆以侶竹則又弗隊其先緒云

五檜堂記

至正庚午孟夏某日予過黃龍浦游海上觀三神山經南北蔡、之北者有大族婿者徐亨肅予至其家入其門則深庭別院翠木天也已乃覽其園池之勝林木蔚蔚水石聯絡遂燕一堂亨拜請曰堂未名惟先生名予視堂陰五檜者東軒老人之手植也因名之曰五檜堂又請曰堂既名不可無誌惟先生是誌吾聞東軒老人好修潔精于物理加之談博文史折節待海內士必延飲五檜下人間檜

則曰槐之三顯之必於天者松之七隱之必於人者柳之五又出天人顯之外而以綱常之隆替與吾者果不可必乎脫五乘化而一五檜者齷然于庭使後之人見之豈不求之于五檜七松之間耶是則予之名命堂以五檜或者東軒之人具有待余于冥數者是檜也歷已百年皆森聳奇崛鬣而鱗瘦而輪八臂九首而龍其身節甚貞氣甚清掌月而珠擊霰風而籟聲襲雪而鐵撐于以胚松柏之雲仍而妥歲寒之盟者乎言未畢亨起謝曰是可與五檜寫神已請書為記



東維子文集卷之十五

東維子文集卷之十六

記

養浩齋記

淞之南陸氏代為衣冠望族有佳公子彥章者生而有氣節讀孟子書至養之論深有契於心聊自命其齋曰養浩介其友郁彥學來見余瑣溪次舍求一言為誌予奇其人而為之言曰戰國之士以氣雄者多矣而未有言浩然者獨孟子言之其氣即天地之氣也善養之則吾之氣也至大至剛可塞乎天地其視北宮孟舍之役於氣者僅匹夫之雄耳孟子之言是氣也卒然遇之王公失其責者楚失其富良平失其智青



有失其勇儀秦失其辯蓋有不依形而立不恃力而行可  
以參天地而闢盛衰者吁此聖人之能事也閱三百餘年  
人又疑其言之夸而考章氏首信考之章不敢暴是氣而  
又得其氣養也故能處富貴而不淫居患難而不攝則考  
章氏之用是氣又豈北宮孟舍之雄匹夫者可以同日論哉  
養之充也無一日之饑雖聖人之能事不為難考章聞予  
言而喜曰大吾養浩者先生之言也請書諸室為記且有  
以告人之疑吾考者云

### 書聲齋記

余家松游亭林尋所謂野王讀書臺者已矣為逆隴化為  
車棘去臺之西北十里近為橫溪：有義門夏士文氏歲

聘文行之儒為子弟師六籍子史下及百氏之書凡數千  
卷皆架棟下頓為廡西之齋童冠屨次晝夜諷誦聲徹行  
路因名其齋曰書聲而求誌於予余聞魯恭王入孔子宮  
聞金石聲而宮不壞漢高皇過魯聞絃歌不廢而邑不殘  
書之聲感人也如此孔子之武城莞爾絃歌亦為子游喜夏  
氏書聲聞于承平之日未為奇也而聞于兵戈格鬪之頃非  
一家之曲阜歟吾為吾道在東之廢度已雖然士之讀書也  
內以治身外以治人沉潛其中之所得以究觀道德之微性  
命之譜以極夫禮樂教化之著昏於書乎出也豈直務聲  
而已哉不然誦習之日積極詠之弗知則其書之有聲聲  
於出口入耳者雖工於浩生之詠吾無取乎爾矣士文尚以



余告勉諸弟子師師以余言勉諸弟子云至正庚子秋八月初吉記

著存精舍記

璜漢呂孝子曰恒曰恂莫其考君來德公于溧水之原治冢域如法冢前甃文石壇及隧道樹以椿桂栝柏又並冢為精舍以奉春秋祭祀必親眠牲器不以屬人俯仰齋慄如親見其先之享者雖歲月去遠為之悲慕不已名其舍曰著存參政周公琦為篆諸扁以記請於余世宜墓祭非古然孔子冢孔里魯子孫世祠其冢不廢則墓祭有其所祖自廟制廢而上冢之禮重乎漢人史傳書以為孝子之榮近代鄉大夫官擬王者而祖福神明之令則漫不加

意至有即官上以為家遂棄墳墓千里外過冢上冢者亦罕矣淫昏之忠則祀之如其先不以為怪烏乎俗之壞而士大夫之不振若是豈有神位主於冢舍時節不失其所祀援古祭義致愛致慤以存著其所不忘如呂氏兄弟者蓋寡矣又懼其易世而著存者藉藉恒產以垂其規於遠久俾勿壞豈非世教民彝之在猶有所繫哉是實著存之可書而呂氏兄弟之事可為錄也予方提學傳司禮之廢者將與士大夫講行之呂氏兄弟嘗從予學者也尚以予言力返廟制使四方觀禮者於呂氏乎取法而士大夫之復禮者自呂氏始豈非予之所望乎至正庚子正月八日記

西雲樓記



雲間李氏以而雲銘其讀書樓求志于予予爾家騎鯨公夢  
長庚而生長庚西方白虎七宿也故名曰字太白太白以  
星言今不以星而雲言何也則亦有說在易之小畜曰雲  
不雨自我西郊彖曰雲不雨尚往也自我西郊施未行  
也雲之積不厚不足以澤物小畜為卦以風行天上一陰  
九五陽所畜既寡施何自而行耶西郊之雲施雖未及於  
物尚往而不可止也故上九曰既雨既處尚德載物德積  
而施行如上九之積厚而雨降事業蓋未易量也抑余於  
天人之事有感於西雲者西雲儒而通天之學者也今太  
白金昂西方事也天狼獨步東南白虎伏而不動九旂掩  
旗七將斂手縣弧服矢不敢東向而射者十年于茲矣妖

氛奪奎壁熒惑守井鬼太陰宿室畢之墟太陽食己未之  
月亦西方事也下民所不忍仰睇西雲計何出撫髯嘆曰願  
以先王之學上從六龍以飛庶有以霽洗天之澍於東南也先  
生姑俟之至正庚子立春日戊戌記

野亭記有詩

雲間沈鉉氏世家為郊關之外其聚為溪之上皆墻垣之  
野於先廬東介披葦蕪蒔花竹集亭四楹中置文竹榻白  
木几筆床茶竈棋枰書度雜聚其次皆與一二同志及觴詠  
其中顏其亭曰野集賢趙公雍為作篆書之又介吾友陳  
相謁余七者寮求記予謂野非上郊外名也聖人嘗以比  
仲由而又欲從先進之野蓋野而畔教聖人所嫌野而勝



華聖人所取鉉之野何居鉉曰某之野郊外之名耳烏知  
聖人之去取哉雖然聖人論野為質鉉將論野於趣乎趣  
乎非樂處於墟垠者能知乎唐丞相裴公嘗堂於午橋而  
名野矣是厭政於朝思野於野豈真知野之趣哉知野之  
趣莫孟真曜氏魏仲先氏若也鉉不敏將尚友於孟魏氏  
云予避其言又重柏之請錄諸身為記繫之詩曰

孟郊得野趣野有真曜盧魏先得野趣野有野堂居雲  
間沈東氏草衣野夫東屯田可種西壤水可漁門無索租  
吏家有種樹書野亭開州樹野具集朋徒試問朝市宅  
傳舍不須史朝懸奉鐵券莫死已屬鏗始知野亭野廟  
堂如不如

### 野政堂記

松張中氏海道相門參政公之三葉孫學優而不仕自號一  
村又顏其所居堂曰野政予過松中有請曰唐陳弘嗣嘗歎  
漢王丹之化行農野舉聖人之言曰是亦為政矣其為為政弘  
嗣隱居武山歲辟良田時乘平肩輿訪曰更餉曰暖白露時降  
新穀既登則崇禮教九族驩鄉黨有媮衣苟食佩刀劍從事  
乎椎理肱笠者皆恥而弗為弘嗣氏之化蓋亦不小於丹矣予  
切慕之故於耕舍扁野政幸先生有以言之予聞中文仲甫公  
能以孝友理家而中有克以野政相之君子之談政者豈必被  
三公服坐政事堂茲號施令然後為政乎政之出於野者復  
優於彼之失者皆官失官而失士失士而失民遂至於失身



其於無葬地也而中之優者無間於昆弟之言無遺於宗族鄉黨之舉委既於後之嗣而益光於前聞人潔諸執政之失者其相越豈不萬乎陳子昂推弘嗣於龐德公鄭子真之流為作者五人之列若中者吾又將問之於五人者非當歟中謝曰吾志弘嗣敢望龐鄭請書諸舍以警云至正二十年二月初吉記

尚志齋記有辭

孟子曰志者氣之帥也氣之猖狂暴悖人不得而制者唯志足以制之其闕時衰退不能自立者亦唯志足以率之故又曰士尚志士而不尚志真不為猖狂暴悖而遷闕時衰退靡而沒者幾希矣訓誥者曰尚如尚服尚車之尚蓋尊而生

之之詞也然人之志有不一也論者以志道德賢人之志上也志功名壯士之志次也志貴富鄙夫之志其下也然則志貴於尚而志不可以卑之而下也天多岐百出而南車臺志之趨也萬物俱流尚金石獨止志之定也志失其趨何以尚為不失其趨然而弗底于定又何以尚為吾北門之外有青年而好學者曰施用和生長市關不異其習俱而獨從儒先生游博習文藝脩者履行且以尚志名其讀書之齋予嘗領客郊齋所市聲在門市言在肆而用和秉志弗遷修習於其齋者自如也非其志之不失其趨而底于其定者哉吾知用和之克尚志不卑而下也信矣弟未知賢人壯上之所決何如耳用和曰功名時來則應之人無于我無取也道德者



聖人之能事吾所為志之始而終為者也吾為之父子在顛  
曰懋我用和推是志以往然而不入於聖賢之域則吾不知  
也用和出紙取識齋遂書為記復繫之辭曰  
氣易我移匪志曷持道雖我志匪志曷之既持其移卒  
造其至尚其有大於斯者乎

朱氏德厚菴記

莘亭縣朱涇西其里曰大典有林麓魁然秀北帶乎九山前  
襟泰山崑湖之流環連壁合鬱蔥之氣不沉不越而物者鍾  
美朱明仲之祖望實在焉自大父誠父顯忠祖妣沈氏妣丘氏  
庶母氏之皆合葬其所明仲既奉大事子其復立家舍若干  
楹捐田若干畝命虛冢者嘗之以供歲祀事祠曰昭明昭其

物也齋曰肅敬敬其事也又所聖人終遠之訓總命其冢曰  
德厚尚書公泰不花氏既為冢而顏之而又介于韓生喪來  
謁記予為之喟然曰汝國也無高陵燥壤為民之終管子陵  
往往人終其親不諸水火則寄諸浮圖氏之室雖衣冠仕族  
或有不免豈復以先德為念而戒懼於其終與於遠耶間有  
權力家知治而舍以為薄俗之悖大抵文有餘而敬不足至  
闕其珠玉華其藏不惟亡益於教自誨人以奸貽神以戮吾  
不知其為厚也仲明儒者也知聖之教而奉以罔墜終易怒  
也必慎以存焉遠易絕也必進以屬焉欲報之德矣天罔極  
吾心以之怵惕以之慕焉悽愴者皆天也吾心之天不沒于  
是則吾親亦不沒于是朱氏之慎也追也天於已而持以為



訓也天於人朱氏之德吾知其可以博俗之薄矣抑聞朱氏  
之先理家以義方為首故每焚香禱天不願子孫富願讀書  
而賢仲明又喜聚書不遠千里聘顧師教二子雖盡傾囊  
金弗以計其心可以對其先矣而脩德弗勸德益厚而福澤  
益潤朱氏子孫其有名世者作矣矧其教之力乎立身揚名以  
圖其孝之大者以報德厚是在朱氏子孫吾未老尚及見之  
以徵予言之不誣也已丑春三月記

碧雲軒記

四明俞南浦氏僑居嘗上有才氣而不仕讀書彈於軒一若  
無心於世者而聞天下之魁人傑士則不遠道里願納交焉  
其所居軒自號曰碧雲嘗得待制清碧松公所錄古書一紙

而又謁予為之志夫雲天地潤氣也神龍挾之以飛不崇  
朝可以而天下然其味舒消息不恒有象而變幻者不一  
如輪如騎如旒如蓋如流水積石如赤鳥白鵠蒼龍玉虹  
之狀萬不可先極自其忽而逝候而遷翩然而颺凝然  
而止則人且目之曰閑雲突焉如峰赤焉如火費雷霆之  
之軀第空林樹之俟望則目之曰旱雲至其引而自高於  
風塵之表海島之間非煙非雲作為先怪以動益人目則又曰  
御雲縹雲三素五色之稱而碧雲者則五色之一耳嘻天下蒼  
生翫焉望之作霖以甦枯注涸也其於碧雲也何有乎何  
無不知世有長柱志登高跳遠俯仰今昔或有凝佇所思於  
際契濶之間者必於碧雲以見之南浦氏不任而有高世之志



而又喜交天下之魁人傑士其悠然之意不在是乎抑于聞南浦  
有道術二十八宿在曾窟者時出而化為麒麟鳳蛟龍狔貅  
狐狸烏雉之物遊戲碧雲光怪中為人談天下之吉凶悔吝聞之  
者推為神人則知南浦之碧雲非塊然天外物也今之士有食人  
之食而怠若事惟便利其私圖自冒誅墜穴固而不知天羅及焉  
又有奮州策自粥大言七治杖冒管珪組以充醮具者其紛起未已  
南浦民見之其亦俾二十八齋飛而語之於碧雲萬仞之下其  
可也南浦笑而援琴於軒曰吾日且送吾雲矣焉矣焉知許事

### 松月寮記

去秀之西門外州里所具聚為濮市濮公子仲溫氏之世居焉居  
有前後廊第莪庄塾以教養里之才子弟仲溫自幼從師

學明經既通尚書後學易又從余學春秋兩充鄉試連不  
售適又丁時變遂去道士冠裳尋山澤間欲挈妻子為  
鹿門之奉事未遂則闢寮一所植松數章高秀蒼古若  
深山木客之出在市塵仲溫與之俯仰嘯詠若友焉天清  
氣明月在松嶺仲溫彈獨絃琴松下琴餘讀道書作遊仙  
吟不知身世在黃塵市在白玉宮闕也遂以松月道人自號雲  
間盛懋氏既為圖之而又肯自作松月詩一解於余徵文以  
為記予為論積陰之氣者而久者在天為月麗月之清于  
物之秀者在木為松桃之得於月也清而妖柳之得於月也清  
而盪梧之得於月也清而棲梅與竹之得於月也清而癯惟清  
而秀而巳野者松之得月以此然得松月之得而見諸名人



者自唐常建後未聞其人焉建之詩曰松際露徹月清  
光應為君嗜此建之得於松月者未易與俗人道也去之  
五百年而仲溫氏復得見之得而其詩有曰文人夜開闌  
涼月在松頂此其得於松月之得者奚減建也哉嚮使仲  
溫氏蚤時壅宮或至五年十年即不壅不過汝趨隸惟  
以奉所氏志不違直而性先有損其及人竟兩泰哦松哦月  
而有得哉嘻仲溫氏之彼此矣得其有能辨者已書諸  
登為記至正十三年七月七日七者寮諸叟記

有竹人家記

安易韓君謬築室於所居之浴鵝池上左右皆植竹自顏其  
室曰有竹人家一時名士大夫咸擇行輩交其人至或載酒

酒肴以抵其所吳興趙雅為作小篆之書又為作人家有竹  
之圖余既賦詩圖之上復遣書再四以記請宋蘇公軾曰不  
可居無竹無竹令人俗至拄杖尋門尋有竹人家吾不知  
有竹之家皆能真有其竹而免於俗者不也嘻公之得在竹耳  
固不計人家之俗不俗之能有不能有也今韓君之家自命曰  
有竹吾知其能有竹矣一妾庸夫曰有竹居而竹不為有也  
吾試詰其所有則謾言曰吾擊竹而歌不啻擊珊瑚也披竹  
而笑不啻披琅玕也罩筠而卧不啻首虎豹煮萌而食不  
翅鹿羔豕也嗜有竹如是夫人而能有也吾觀韓君虛中抱  
道有竹其心貞標絕俗有竹其性善建不拔有竹其本離  
立不輒有竹其朋德音協鳳凰或思沾霜、又有其應律



之聲格瑞之靈也韓君之有竹若此其亦異乎人之有者乎不然韓君之家與妾庸人者同曰有竹而竹不為其有也雖渭川千畝之富徒以等燕秦之粟林齊魯麻桑而已耳竹有於家而家又何有於竹哉然則韓君之有竹不徒在其家也論矣書諸室為記至正十三年九月十二日

春遠軒記

余晨居會稽於清明之春登秦望蓬萊諸峰望數千里廣輪際海而止一鱗介一條絲與多人士女靚裝麗服生長太平山川間孰有荒陬遠鄙之間因撫嘆春春之遠後計偕上京師得歸遊覽度居庸陟龍虎臺下視齊魯晉宋荆秦吳越之虛民物熙然如在春臺了者無畔岸余後嘆

春之尤遠殆與皇元教同一遠也自淮汝兵興南北旌旗相望於千里百里斥候之次給繻而行即抵牆壁思昔之週四方躋八表窮日眎之力弗既者不可得已雖然不遠者提封之迹也一氣為春者豈不遠哉知春一氣之遠則心之有春者未嘗不與之遠也雲間鍾初伯溫築室千山之東巖顏曰春遠請記於余其亦有感於今日之春而不許其地之遠近者歟不然杜少陵嘗言春遠矣何獨於柴荆見之歟是為記至正庚子五月朔旦東維叟書史者李忠介公榜賜第二甲進士今奉訓大夫江南等處儒學提舉楊維禎也

春水船記

滄水主人杜年棹于海晚家居結樓滄水之上蓬然若舟海



水時抵階下放目樓上一白萬頃人眠其蓬然者一葦耳因命  
曰春水船主人垂釣于枕濯足于床波與天上下渚鳧汀鴈  
之相困依不知船在水耶陸也酒酣仰卧其上家童數十善  
為超人擁楫之歌主人又自歌小漆為舉足扣舷以節之水无  
天影飛動几席韻聲與潮汐作殷殷在足底滄洲仙有駕凌  
風舸以徵水如箭者彼徒以舸為舸而未知若居之以不舸為舸  
也以為舸則未嘗去家以為居則嘗有行也也朝吳編莫越  
戶心無造而不可又孰知吾船之纜之而住負之而走也昔有太  
公嘗以漁釣欺天下而天下施知之其含魚也欲蓋而彰也  
嘻以為非漁則持竿五十年矣以為真漁則未嘗得一漁焉嘻  
太公固得於漁不陸之間者客詰主船以為真船則居陸以為非

船非若笠之前皆漁樵推罵之地云知吾之在樓非長乘舸艇  
也今夫天一大春水地一大船之人在不悟者必在船之外吾悟  
船獨不在外也嘻此不可與家人道也春水如天船在天也  
水邪而沈在樓邪認吾船在樓又何異認劍在舟刻即其  
扣舷之歌曰滄之水乎如天叶滄之屋乎如船叶水涵天乎  
以春船之載兮薄夫天津索吾船於津之表兮吾得與春  
初而為隣客和之曰若有人兮舟為家叶著土不佳兮養空  
不驅春如飛海兮鴻雁我潮吾不知貫月槎之徒兮夫倪舟  
之徒歎主人為汝南殷德人氏客為鐵篋道人會稽楊維  
榘也至正十年三月三日記

松月軒記有詩



積陰之氣清而久者在北為水在天為月也木得水而清之  
象滋焉得月而清之氣麗焉月一也木之麗其清者其材品  
則有不能不異者也桃之得於月也清之而妖柳之得於月  
也清而蕩竹之得於月也清而矜梅之得於月者清而孤  
荼蘼海棠之得於月也清而怨惟清而整而文秀也松之得  
月以此吳郡西門之外其聚為吾閩閩之間天差王夏駕之  
所也吾方大佑咸輶焉為積居之家者比之耳獨吾鄉人吳  
彦昇氏居不離市而門有散地數十弓上有青松數十挺  
高秀疎朗若深山客將儔挈侶出飲乎市而盤礴于此也  
天空氣清月在松頂彦昇或領客坐松下仰見闕榭根株  
盤而玉兔白人世芥斤不可斷已而顧影在地籟：在空

鈞韶鳴而龍鸞舞也不知身在此玉湖中黃塵市說有得  
松松日者名於其軒少蓬李公嘗為園之大蓬秦楚公又  
為篆額之而又求文於予：以素里閑重違其情而彦昇之  
人品才氣可以任而不任者與夫尊師樂友化龍斷之俗  
翕然於禮義之趨者又吾之素與政為之記且復哦以詩  
曰文人愛青松手植西門內風聲度玉筍林影翻朱鷺仙  
鬼夜讀騷衣客秋吟白文人燕坐餘海月生東樹

### 水竹亭記

吾里白湖方義門子弟咸秀傑名仕版而于泳道父其尤者  
也始泳道未過童舉時實以才志自奮於京師貴人咸品  
之連延譽 上所即被內選出司牢益民奏寢與大縣細



滿歸砌水竹亭先盧奉親之障出與賓客接幅巾野服命  
僮抱琴尊之亭所相與把酒說詩父為事窮亭淹連一不  
以營意一時文章家多為記詠焉既克又索敘引於友人  
楊維禎維禎嘗聞其論曰某讀南史書稱會之不必在遠聲  
然於未即有豪漢之趣未嘗不嘆以為 閱閱豪族大官  
揖千金買佳園池崇美屋：其中育以珍禽奇獸樹以名  
卉異木論其一時侈盛卒息侯之甲第無以喻其雄河陽梓  
澤之形勝無以喻其絕也然欲求一日之安於是不能得也  
故予一亭習甚約規甚素取諸水竹者甚廉而其適安之  
樂自謂過之不倍不翅也人有志於適安者不敢如是耶余  
以泳道之言似矣又將有進於是者何居夫高上于楚以州  
木水泉驕其君而不出者猶者之為也既得志而忘失之退  
以窮狷者之樂以為樂又愉者之為耳愉與狷皆中行所不  
與泳道於道務中行則猶與愉不足言泳道者今天之散也  
有雨之德焉積而厚也有負戴之功焉君子觀於水也思夫  
施於物者竹有貫歲之節不易地之性焉君子觀於竹也  
思夫貞一於己者若是則泳道之登焉也取諸物以贊乎  
也以及乎物至矣又豈徒州木水泉之流云乎却泳道而竹  
余言澤之以為何如也



東維子文集卷之十六

Blank page with vertical lines for text.



426
12
3



